





Bai yu mekim planti moa skon na kamapim moa moni

Mekim ol skon bilon maket wantaim flour ol trupla lain bilong bakeri save usim



Today
September
issue insait
P9,10,19&20

**Millenium
Development
Goals report -
P13,14,15 &16**



Paul Zuvani i raitim

FORTY pesen o samting olsem 3.5 milien manmeri bilong kantri bai no gat helt sevis taim ol sios haus sik i pas.

Dispela hevi kamap bikos gavman i no givim K16 milien em i bin makim long givim ol sios helt sevis long

Maprik i senis aninit long mi: Simon - P3



BSP givim K70m long ol manmeri - P8



Sios helt sevis bungim hevi

- 3.5 milien manmeri bai kisim taim

Paul Zuvani i raitim

FORTY pesen o samting olsem 3.5 milien manmeri bilong kantri bai no gat helt sevis taim ol sios haus sik i pas.

Dispela hevi kamap bikos gavman i no givim K16 milien em i bin makim long givim ol sios helt sevis long

kantri. Joseph Sika, sif ek-seketiv opisa bilong Sios Helt Sevis (CHS) i mekim dispela tok long taim Wantok Niuspepa i askim em long dispela wik.

CHS i bin makim asde, Trinde Ogas 31 olsem las de bilong wok.

Tasol em i tok ol bai wetim tingting bilong CHS

bod ov dairekta pastaim.

Sika i tok nau yet haus sik bilong ol i wok long daunim namba bilong ol wokman na ol sevis ol i givim long ol sikman na meri.

Long dispela taim tu ol dairekta i mekim wok painim long stap bilong ol haus sik bilong ol long kantri na bai mekim disisen

bilong pas long dispela mun.

Sika i tok Gavman i no givim yet K16 milien bilong mun Julai na Ogas.

Em i tok gavman i givim tasol K6 milien bilong Jun, K2 milien sot long K8 milien CHS i mas kisim. Em i kisim dispela mani long tupela wik i go pinis.

Dispela ol mani i kam long K100 milien bilong 2016 baset. Dispela mani i arere long K50 milien Gavman i bin rausim na i tok long putim bek dispela mani tasol Sika i tok CHS i no lukim yet dispela mani.

Sapos Gavman i givim bek mani dispela bai inapim K150 milien mani mak em i makim long 2016 Mani Plen bilong em.

Sika i tok mani CHS i wok long kisim nau i kam long K100 milien we i stap long em.

Dispela ol mani CHS i save kisim long wan wan mun tasol planti taim i save kisim bihain long tupela o tripela mun na dispela i givim bikipela hevi long wok bilong ol.

Wantok Niuspepa i laik kisim bekim long Helt Dipatmen long wanem as CHS pe i save go bihain tasol i no bin inap long kisim.

Tasol bihainim long bekim bilong Fainens Minista James Marape long Palamen kibung long las wik Wantok i bilip hevi bilong pe i kamap bihain bikos long mani i sot long kantri.

Mista Marape i bin bekim askim long wanem as distrik sevises impruvmen program (DSIP) mani i no save kamap long taim.



MEKIM WOK I STAP YET: Sista Janet Towaki bilong St Therese Katolik Klinik long Hohola long Pot Mosbi i sekim wanpela sik meri taim bos bilong klinik, Sista Elsie Soso i lukluk i stap. Dispela klinik i hap bilong Sios Helt Sevis insait long Nesenel Kapitel Distrik. *Poto Nicky Bernard.*

No ken lus tingting long kopi

MEMBA bilong Chuave, Wera Mori, i laikim gavman i putim moa mani i go insait long kirapim gen ol kopi plantesen insait long kantri.

Mista Mori i tokim Palamen olsem kopi em i wanpela bikpela bisnis we PNG i save mekim mani long taim bipo tasol nau ol man i les long planim, pikim na salim kopi bikos gavman i no sapotim ol kopi fama long ples.

Mista Morii tok moa long 16 provins insait long kantri i save planim kopi na salim tasol gavman i no bin sapotim ol kopi fama long rurel eria na dispela i mekim ol manmeri i lusim kopi.

“Planti ol bikpela kopi plantesen bilong kantri long 1sten Hailans, Simbu, Jiwaka na Westen Hailans i no moa stap nau. Ol papagraun i katim pinis



kopi diwai na tanim kopi plentesen i kamap gaden na planim kaikai,”Mista Mori i tok.

Em i tok kain ples olsem Karamui long Simbu na Waghi Veli long Jiwaka em i gutpela ples long planim kopi na kirapim bikpela kopi plantesen tasol i no gat gavman sapot.

“Gavman i lukluk long oil, ges, gol na kopa tasol. Yumi i lus tingting long kopi. Na taim prais bilong LNG, oil, gol na kopa i pinis,

yumi save kisim taim na gavman i save sot long mani long ranim nesenel baset,”Mista Mori i tok.

Em i tok gavman i mas plen gut na yusim mani gut long kirapim kopi bikos kopi indastri em i wankain olsem gol na kopa.

“Bipo ikonomi bilong dispela kantri i bin stap long kopi. Gol, kopa, ges na oil i kam nau tasol, kopi i bi stap na em bai stap taim maining na petroleum risos i pinis,”Mista Mori i tok.

Em i tokim Palamen

Kopi em i wanpela risos bilong PNG na gavman i mas strongim gen kopi bisnis.

olsem moa long 80 pesen manmeri bilong dispela kantri i stap long ples na ol i save planim kopi na salim kopi.

“Yumi toktok planti long LNG. Yumi no gat planti save mameri long LNG indastri. Olsem na wan wan manmeri tasol i wok long LNG.

“Planti manmeri bilong yumi i stap long ples. Ol i save long pikim kopi, salim na mekim mani. Ol i ken yusim mani long senisim laip bilong ol,” Mista Mori i tok.

Mori: Yumi mas painim ol arapela mineral

MEMBA bilong Chuave, Wera Mori, i laikim PNG long statim ol eksplorsesen wok long painim ol arapela mineral long graun.

Mista Mori, husat i Vais Minista bilong Maining, i laikim gavman na Mineral Resources Authority (MRA) long larim arapela kampani bilong mekim eksplorsesen long arapela mineral long kam insait long PNG.

“Graun bilong yumi i gat planti kain kain mineral risos. Nau yumi wok long rausim gol, kopa, silva, nikel na kobalt.

“Solwara 1 dip si maining projek bai rausim jink na magnesium. Ramu Nikel maining long Madang i wok long rausim nikel na kobalt.

“Wankain olsem tasol, mi gat bikpela bilip olsem PNG i gat arapela ol mineral risos tu,”Mista Mori i tok.

Mista Mori em i wanpela senia jiolojis bilong PNG. Em i bin wok planti yia wantaim planti ol bikpela maining kampani



Jink em i wanpela spesel mineral na i stap long PNG.

olsem jiolojis, o save man bilong stadim ol ston na painim ol mineral.

Em i tok planti ol samtting ol mobail fon, kompiuta na kar na arapela ol samtting yumi save yusim tude, i save kam long arapela ol mineral olsem platinum, jink, magnesium, kromium na mekuri.

“Sapos yumi larim ol eksplorsesen kampani bilong painim ol dispela kain mineral i kam insait long kantri na sekim maunten na graun bilong yumi, mi bilip olsem PNG gat planti dispela kain ol mineral i stap insait long

graun,”Mista Mori i tok.

Em i tok taim prais bilong gol, kopa na silva i pundaun long intensesenel maket, PNG i ken kisim mani long ol dispela kain mineral.

“Maket bilong ol dispela mineral em i gutpela tru. Ol manmeri i save baim na yusim long olgeta de ol samtting ol i save mekim long dispela mineral, na i soim olsem prais bilong en i stap gut,” Mista Mori i tok.

Em i salensim gavman na MRA long tingting gut na larim ol arapela eksplorsesen kampani bilong painim ol dispela kain spesel mineral tu i kam insait.

Mangape laikim Tari-Porgera rot mas kamap

MEMBA bilong Porgera-Laigaip, Nixon Mangape, i laikim Mineral Resources Authority (MRA) long kirapim nupela rot long joinim Tari na Porgera.

Mista Mangape i tok dispela nupela rot inap long kamap longtaim tasol MRA i wok long isi isi tumas.

Em i tok ol pipel bilong em long Porgera, Mt Kare na

Paiela bai gat sans long kirapim ol liklik bisnis na salim ol aluvial gol long Tari sapos dispela nupela rot i kamap.

Hetkwata bilong Enga Provins, Wabag, em i longwe tumas long Porgera, Paiela na Mt Kare. Tari long Hela Provins em i klostu tasol long dispela tripela ples insait long Enga Provins.

Mista Mangape i askim

Minista bilong Maining, Byron Chan, sapos em i ken tokim ol pipel bilong Porgera, Mt Kare na Paiela long konstraksen bilong dispela rot.

Minista Chan i tok MRA i putim aut tenda long pablik tasol i no givim yet kontrak long konstraksen kampani long wokim rot.

Mista Chan i tok sapos dispela rot projek i stap insait long Spesel Maining Lis (SML)

eria, em wok bilong maining kampani long kirapim dispela rot na givim sevis i go long komyuniti.

“Bai mi sekap long MRA na tok save long ol pipel bilong Porgera long bihain taim.

Mi sapotim dispela projek bikos em bai sevim ol manmeri bilong yumi long dispela tupela provins na opim rot bilong wokim bisnis,”Mista Chan i tok.

Sios helt wokmanmeri i painim bikpela hevi

Paul Zuvani i raitim

HEVI bilong pe bilong ol wokmanmeri bilong ol sios haus sik long kantri i givim taim stret long ol wokmanmeri, Joseph Sika, sif eksekativ opisa bilong Sios Helt Sevises (CHS), i tok.

Em i tok planti wokman i no kisim pe long las tripela o foapela potnait na ol na famili bilong ol i kisim taim nogut.

Em i mekim dispela tok taim Gavman i no bin baim ol sios haus sik ejensi long K16 milien bilong mun Julai na Ogas bilong dispela yia.

Em i givim tasol K6 milien bilong K8 milien bilong mun Jun long tupela wik i go pinis.

Em i tok bikos long pe i no kamap hariap, ol sios nau i tingting long pasim haus sik bilong ol.

“Planti bilong dispela ol haus sik i stap long ol rurel ples na i no inap long wok gut taim mani i no go long ol,” Sika i tok.

“Wantaim tingting bilong givim sevis long ol manmeri, ol wokman i gat ol arapela nid olsem skul bilong pikinini, salim tok i go i kam, transpot, klos, kaikai na ol arapela bikpela samtting.

Nau yet sampela wokman i lusim wok bilong ol na sampela i wok long tingting long lusim wok.

“Tasol planti bilong ol em edministresen bilong ol i

askim ol long go aut na wet inap long gutpela taim i kamap,” em i tok.

Sika i tok sampela ol senia opisa em opis bilong em i askim ol long daunim mak bilong pe bilong ol i go daun na bai ol i no ken yusim planti mani.

Em i no inap long tokaut long namba bilong ol haus sik i pas pinis tasol i tok dispela tok bai kamap klia bihain long CHS bod dairekta i kamapim ripot bilong ol long dispela mun.

Em i tok bikos long hevi bilong mani, longpela taim ol sios haus sik i no bin kisim ol nupela wokman maski ol i sot tru long wokman.

Em i tok ol i amamas long

Gavman i tingting long helpim ol ejensi bilong ol tasol i no save bihainim tok bilong em.

“Ol Gavman ejensi na mipela wantaim i mekim wankain wok. Tasol bilong wanem Gavman i helpim ol ejensi bilong em moa long em save helpim mipela?” Sika i askim.

Em i tok planti taim ol wokman bilong ol i save givim fri taim na sevis long ol manmeri na i no save askim long pe.

Long stretim hevi bilong ol nau em i tok sapos gavman i laik lukim ol manmeri i kisim sevis em i mas painim mani na helpim ol sios haus sik hariap.

Papagraun kampani bai kirapim Angore Growth Center

WANPELA kampani bilong ol papagraun long Angore PDL 8 long PNG LNG Projek i winim tenda bilong mekim fisibiliti stadi na kirapim Angore Grot Senta (AGC).

Angore Holdings Limited em i kampani bilong ol papagraun bilong Angore ges fil insait long PDL 8, na Provincial Supply na Tenders Board (PSTB) i givim kontrak long dispela kampani long mekim kirapim AGC.

AGC em i wanpela liklik taun we gavman na papagraun i bin wanbel aninit long Ambrela Benefit Sering Agrimen (UBSA) ol i bin sainim long Kokopo, Is Nu Briten long 2008 long larim PNG LNG Projek i kamap.

Dispela grot senta bai gat ol samtting ol liklik taun i save gat na em bai sevim ol manmeri bilong Angore wantaim kain ol sevis olsem polis stesin, haus sik, stua, skul, sios, pawa saplai na meket.

Siaman bilong Halapura klen na Angore Welhet Lidasip Komiti (AWLC), Hari John Akiye, i tok ol i mekim sevei, kamapim mep na katim boda bilong dispela grot senta pinis.

“Disain bai pinis klostu taim tasol. National Physical Planning Board i givim tok orait pinis long larim dispela disain we Angore Holdings i mekim, i kamap plen bilong kirapim AGC,” Mista Akiye i tok.

Mista Akiye i tok Angore Holdings i kisim gutpela bekim bilong Oil Search, husat i wanebl long kirapim nupela polis stesen long Angore.

“Mi laik tok tenkyu long Oil Search. Oil Search i wanbel long givim mani long projek bilong kirapim wanpela polis stesen long Angore.

“Dispela polis stesin i kamap aninit long AGC na mi laik makim maus bilong ol papagraun na tok tenkyu long Oil Search long dispela helpim ol i redi long givim,” Mista Akiye i tok.

Simon: Maprik i senis aninit long mi

MEMBA bilong Maprik, John Simon, i tok Maprik distrik i senis insait long 4-pela yia tasol we em i bin stap Memba na em i laik mekim moa wok long sevim pipel bilong em.

Mista Simon i mekim dispela toktok taim em i kisim 400 buluma kau long Maprik long dispela wik.

Long wankain taim, em i mekim dispela toktok bihain long Ombudsman Komisin (OC) i ting olsem em i asua long sampela samting long opis na ol i salim em i go long Pablik Prosekiuta.

Tasol Mista Simon i wanbel long kliarim nem bilong em long kot na em i larim kot i mekim wok bilong em bikos em i tok em i gat bikipela bilong kot sistem bilong kantri.

"Maprik i lukim ol bikipela developmen we ol pipel i no bin ukim bipo. Aninit long lidasip bilong mi, ol pipel i lukim moa



MEMBA bilong Maprik, John Simon

sevis na developmen i kirap bikos DSIP mani i go long ol pipel na ol i lukim tru tru sevis,"Mista Simon i tok.

Mista Simon i tok long namba wan taim tru, ol DSIP mani bilong pipel i stap gut aninit long lidasip bilong em, na ol i bin yusim gut ol mani bilong pipel long givim moa sevis i go bek gen long pipel.

"Mipela i menesim gut DSIP mani aninit long lidasip bilong mi na ol pipel i lukim bikipela ipek projek we mipela i yusim dispela mani tasol long givim i go long pipel,"Mista Simon i tok.

Em i tok Maprik distrik i no save kisim arapela fanding i kam long arapela mani ol i save kisim long DSIP i save mekim stretpela wok na ol pipel i lukim dispela na i gat bikipela bilip long em.

"Mi yet olsem mi kamap memba long namba wan taim, mi amamas long lukim planti bikipela projek i kamap long distrik bilong yumi.

Rot network bilong distrik i senis na kirap moa, distrik bai lukim bikipela buluma kau fam i kamap, nupela haus sik i kamap long Maprik, nupela ples balus i kamap long Maprik na planti samting i kamap," em i tok.

Mista Simon i tok ol wan wan manmeri husat i wok long kisim em i go long kot i wok long westim taim bilong em na dispela pasin bilong i go kam long kot bai no inap helpim ol manmeri bilong Sentral Sepik.

Larim stet ov imejensi kamap long Hela

MEMBA bilong Tari-Pori na Fainens Minista James Marape i laikim gavman long kamapim wanpela bikipela stet ov imejensi (SoE) long Hela Provins bikos pait i kamap long olgeta hap long Hela.

Dispela kain pasin bilong pait long Hela i ken kamapim bikipela birua long ol investa na long ol arapela bisnis manmeri, ol asples manmeri na long gavman propeti na pablik sevan.

Mista Marape i les long ol man i yusim bikipela na stongpela gan long kilim narapela i go kam na bagarapim propeti na ol samting.

"Hela em i nupela provins na PNG LNG Projek i kamap long Hela, tasol taim tripela distrik bilong Hela i bagarap long pait, gavman i mas bihainim dispela toktok na kamapim stet ov imejensi,"Mista Marape i tok.

Mista Marape i mekim dispela singaut taim ol man i kisim gan na kilim ol yet i go kam long insait

long Tari taun stret.

Mista Marape i tok planti ol manmeri bilong Hela i gutpela manmeri tasol wan wan tasol i wok long holim gan na kamapim bikipela pait na bagarapim ples.

"Mi laikim gavman long kamapim dispela SoE hariap long larim ol ami na polis i holim, sasim na kalabusim ol man husat i save brukim lo na statim pait, kilim man, karim gan na katres i kam insait long provins na bagarapim laip bilong ol manmeri," Mista Marape i tok.

Memba bilong Koroba-Kopiago, Philip Undialu, i tok em i kisim wanpela ripot i kam long provinsal polis komanda bilong Hela olsem insait long 6-pela mun tasol, moa long 50 manmeri i dai long pait i kamap long Tari-Pori, Komo-Margarima na Koroba-Kopiago.

Mista Undialu i tok dispela planti pait na pasin bilong brukim lo i mas stop long Hela bikos dispela kain pasin nogut bai

bagarapim ol bikipela invesmen olsem PNG LNG Projek.

"PNG LNG Projek em i namba wan projek insait long kantri bilong yumi. Pait na trabel i kamap long ples i ken bagarapim dispela kain bikipela invesmen long graun bilong yumi,"Mista Undialu i tok.

Em i tok Hela Provinsal Gavman bai opim Hawa haus kalabus na apim namba bilong ol samting long kalabus long stopim dispela kain pasin.

"Mipela i les pinis long pait. Dispela kain pasin bilong pait na kilim man, bagarapim ples na bagarapim laip i mas stop nau,"Mista Undialu i tok.

Em i tok em i toktok pinis wantaim Memba bilong Tari-Pori, James Marape, na ol memba bilong provinsal asembli long raitim wanpela sab-misen i go long gavman na askim NEC long kamapim wanpela SoE.

Ol man long ples i tok bikipela pait i bin kamap

klostu long Tari taun i no pinis yet na ol i wok long kilim man.

Long las wik Fraide, ol man i kilim ol yet i go kam long Tari taun na ol manmeri i pret long dispela. Ol polisman tu i pret long stopim pait bikos ol man i holim ol bikipela gan, we pawa bilong dispela ol gan i winim pawa bilong gan ol polisman i holim.

Komyuniti Lida bilong Tari taun, Epe Joshua, i tok laip bilong ol manmeri i no stap gut bikos ol i pret no gut ol man wantaim gan i kam na sutim ol.

"Mipela i pret long raun long taun bikos pait i kamap arere long taun. Ol man i holim gan na raun long taun.

"I luk olsem pawa bilong ol polis manmeri i go daun na mipela i laikim gavman long kirapim SoE long daunim dispela hevi bilong pait.

"Mipela i laik stap gut na mekim ol gutpela samting tasol lo na oda i no stap. Ol polisman i no mekim wok bilong ol,"Mista Joshua i tok.

Memba bilong Maprik i no wanbel long OC

OL Gavman atoriti i mas mekim wok stret na i no ken wansait taim ol i laik mekim wok bilong ol, Memba bilong Maprik, John Simon i tok.

Mista Simon i autim dispela toktok bihain long nius i kam aut long las wik olsem Ombudsman Komisin (OC) i salim em i go long Pablik Preosekuta bikos ol i ting em i mekim sampela asua long opis em i holim.

Mista Simon i tok em i kirap no gut long lukim long niuspepa olsem Ombudsman Komisin i salim em i go long Pablik Prosekuta.

Em i tok em i no bin save long dispela ol tok sut we Ombudsman Komisin i lukim na i ting olsem em i asua.

Mista Simon i tok ol alegesen bilong em i luk olsem ol dispela wankain tok sut we em i bin stretim pinis long kot tupela taim pastaim na kot i bin stretim dispela na painim aut olsem em i no asua.

Mista Simon i nau stap long distrik bilong em long kisim 400 bulmakau i kam long Lae, Morobe Provins.

Distrik Sevis Impruvmen Program (DSIP) mani bilong Maprik

distrik i bin baim dispela ol bulmakau na bihainim Wara Sepik, lusim Pagwi na kisim i go long Maprik.

Mista Simon i askim ol manmeri husat i wok long komplek planti long Ombudsman Komisin long kam ausait ples klia na sanap stret long salensim em long 2017 nesenel ileksen.

Mista Simon i bin go long kot tupela taim pinis na em i winim tupela wantaim.

Namba wan kot em i bin ileksen petisen we pastaim Memba bilong Maprik, Gabriel Kapris, i bin kisim

em long kot bihain long 2012 nesenel ileksen, na namba tu kot salens i bin kam long ol Polis Frod Skwat taim Mista Kapris na ol sapota bilong em i putim komplek gen long Ombudsman Komisin.

Mista Simon les long toktok mo along dispel aol alegesen egensim em bikos nau yet dispela ol samting i stap long han bilong kot pinis na em i rispektim disisen bilong kot.

Tasol em i no wanbel long gavman ejensi olsem Ombudsman Komisin i larim ol manmeri i no bihainim stret gutpela rot long autim tingting bilong ol, tasol bihainim

mani long bagarapim ol gutpela manmeri na lida bilong kantri.

"Bai mi larim kot i mekim wok bilong em bikos mi gat nikpela bilip long kot sistem bilong kantri bilong yumi.

"Mi redi long bungim dispela salens na pait egensim dispela salens long nem bilong ol pipel bilong mi long Maprik, we mi makim maus bilong ol.

"Pastaim tupela kot tu mi bin win, na nau mi bilip tu olsem bai mi wini dispela nupela kot salens, we i toktok long ol dispela wankain samting we pastaim tupela kot i bin stretim.

SMART SOLUTIONS FOR SMALL BUSINESS

"With the **BSP Smart Business Package**, I offer the right mix of payment options for my customers; **EFTPoS, Mobile and Internet Banking** and I use a **Smart Business Debit Card** for my supplier payments.

Plus, the Smart Business current account provided transaction records that were used to support my **BSP Smart Business Loan** application to help me expand my Business."

Helen Victor
Owner of Zoenani Gas Ltd
BSP Smart Business customer



WE ARE **BSP**

Gavman kamapim Angore Special Purpose Authority



Mista Akiye i sindaun namba tu long lephan (putim aiglas) wantaim ol memba bilong Angore Welhet Lidasip Komiti (AWLC).

Madang tingting planti long kamapim PHA

James G. Kila i raitim

MADANG provins i tingting planti long kirapim provinsal helt atoriti (PHA) bikos ol i no laik bungim wankain hevi em ol arapela provins long kantri i wok long bungim.

Dairekta bilong Madang provinsal helt divisien, Marcus Kachau i tokaut long dispela long ol nius lain i no long taim i go pinis.

Mista Kachau i bin bekim

askim bilong ol nius lain taim ol i askim em wanem taim bai Madang gat kamapim i gat PHA bilong em.

Em i tokaut olsem Madang i no laik long hariap tumas long go insait long dispela nupela kain tingting bilong wok. Em mas redim gut olgeta samting bilong ol na tu redim stretim gut ol program pastaim long em i kamapim PHA bilong en.

Mista Kachau i tokaut

olsem PHA em wanpela long ol dispela atoriti gavman i wok long kamapim long lukautim menesmen bilong ol helt sevis insait long ol provins. Tasol ol helt sevis i no senis yet.

Mista Kachau i tok olsem Madang i laik gat PHA we i no gat politiks, na em mas gat ol gutpela na stretpela saveman meri long wok husat i ken bringim gut helt sevises i go long ol pipel bilong Madang provins.

NATIONAL Executive Council (NEC) i givim tok orait pinis long kamapim Angore Special Purpose Authority (ASPA) long las yia, wanpela lenona lida i tok.

Siaman bilong Halapura klen, Hari John Akiye, i tok aninit long NEC Disisen Namba 359/2014, gavman i kamapim pinis ASPA long yia 2015 na

givim K3 milien aninit long 2016 nesenel baset long larim ASPA i mekim ol wok kirapim ol projek insait na givim sevis long ol manmeri insait long Angore PDL 8 long PNG LNG Projek.

"Mi laik makim maus bilong ol papagraun na pipel bilong Angore na tok tenkyu long Dipatmen ov Provinsal na Lokal Gavman Afes,

Deputi Praim Minista Sir Leo Dion, Praim Minista Peter O'Neill, na Memeba bilong Tari-Pori na Fainens Minista James Marape long kamapim ASPA na givim i go long ol ol pipel bilong Angore," Mista Akiye i tok.

Mista Akiye i tok het opis bilong ASPA bai stap long Angore na ol kontrakta i wok long kirapim haus we opis bilong ASPA bai stap.

Kontrak wok bai pinis long pinis bilong dispela yia, Mista Akiye i tok.

"Skul bas bai ran i go kam long kisim na lusim ol skul pikinini bilong yumi long projek eria. Dispela em i wanpela projek bilong ASPA. I no gat dispela kain sevis i stap long arapela projek eria bilong PNG LNG Projek.

"Mi tok tenkyu long Oil Search i wanbel long sapotim dispela program. Ol i wanbel long givim foapela disel dram long olgeta mun," Mista Akiye i tok.

Mista Akiye i mekim dispela tok tok taim ol i tokaut long nupela komiti bilong ol papagraun bilong Angore welhet. Nem bilong dispela nupela komiti em i Angore Welhet Lidasip Komiti (AWLC).

Wok bilong AWLC em long stretim ol toktok wantaim ol papagraun na kampani sapos sampela asua o hevi i kamap namel long papagraun, projek divelopa o gavman.

"Ol klen husat i papagraun tru bilong tripela welhet, 9-kilomita LNG paipain na wanpela valve stesin long Angore em ol Imika, Halapura, Pereke na Hurupali klen.

"Jastis Ambeng Kandakasi i painimaut pinis aninit long Oltanetiv Disput Resolusen (ADR) long sekim na glasim gut ol papagraun," Mista Akiye i tok.

Ol klen siaman, Elizah Timbah bilong Imika klen, Tamule Kulu bilong Pereke klen, na Tambiawi Tangilape bilong Hurupali klen i redi long sapotim Mista Akiye long mekim ol wok insait long Angore PDL 8.

Wantok niuspepa i laikim ol eijen insait long Madang, Kimbe, Kundiawa, Wewak, Jiwaka, Tari, Kiunga, Tabubil, Daru, Kerema, Manus, Kavieng na Alotau long salim niuspepa bilong mipela.

Mipela i laikim ol Eijen long distribiutim niuspepa long dispela ol ples antap hariap tru!

Sapos yu ting yu em rait man o meri long dispela wok, ringim Sekulesen Supavaisor bilong mipela long Fon: 325 2500 o Mobail namba: 7384 6688 o email i kam long: seovo@wantokniuspepa.com

Longlong tingting i save bagarapim helt

Loutova Siapea i raitim

"LONGLONG tingting i save mekim na helt bilong ol pipel i no save kamap gut," Jackson Apo, wanpela saveman long helt i tok.

Planti pipel insait long Isten Hailans bai dai yet long ol kain sik we marasin na haus sik inap long mekim orait gen tasol bikos ol i gat rong tingting long taim ol i kisim ol sik.

Isten Hailans Provinsal Helt Deputi Dairekta bilong Helt Program, Jackson Apo i tokaut olsem Isten Hailans olsem ol narapela Papua Niugini i gat rong tingting na pasin we i save bagarapim laip bilong ol tu.

Mista Apo i tok, "Ol i no save laik long save long gutpela we bilong stap olsem na planti taim ol i no save luksave na ol i save painim bagarap. Ol i save leit long stopim sik long kamap bikpela na kilim ol i dai."

Em i tok maski ol i salim aut planti toksave bilong ol pipel i lukautim bodi bilong olyet,



Mista Jackson Apo, Provinsal Helt Deputi Dairekta bilong Helt Program. Poto: Loutova Siapea.

planti pipel i gat pasin bilong sakim tok na i no save senisim laip bilong ol stap gut na helti.

"Mipela i yusim kain kain rot bilong kamapim awenes olsem drama grup na wan man i toktok long narapela long skulim ol long ol birua we ol inap painim long sampela kain pasin bilong, tasol i no gat senis long ol

namba bilong ol kain kain sik we i save kamap long olgeta yia," Mista Apo i tok.

Wanpela gutpela piksa em long toktok bilong sik taipoid we ol pipel i bin harim pinis olsem dispela sik em i save kam isi isi tasol na klim ol man. Tasol yu go long ol rurel eria bai yu lukim olsem i gat wanpela o tupela toilet tasol long wanpela ples i stap na olgeta i pekpek long bus nating.

Ol pipel i save pinis olsem hevi bilong taipoid em i bikpela tru, tasol ol i no save mekim samting long stopim long kamap na ol i tromoi pipia na pekpek nating long gaun.

Em i tok bikos long kain pasin bilong ol pipel na ol tripela bikpela sik nau i save kilim i dai man na meri na pikinini em; taipoid, Tubekulosis, malaria na numonia bai wok long kilim yet ol man,

meri na pikinini inap long taim ol bai luksave na senisim pasin bilong ol.

Na tu i gat hevi bilong HIV-AIDS vaires na ol narapela laipstail disis olsem hat disis, daiabitis na hai blut presa, na tu ol sik pamuk i bikpela tumas insait long provins.

Mista Apo i tok ol helt woka i no les long helpim ol pipel na ol i wok long kamapim awenes yet long helpim ol pipel.

"Nau yet mipela i yusim pia helt edukesen awenes we ol sumatin i wok long bringim toksave i go long ol wanlain bilong ol. Lokal drama grup tu i wok long autim toksave i go long ol ples," Mista Apo i tok.

Em i tok moa olsem famili helt sevis long Matanel Helt Ke (MHC) program, imunaisesen bilong ol pikinini na ol narapela helt awenes tu i wok long kamap yet.

"Awenes i wok long insait tru long ol bus ples, tasol ol pipel i mas lainim long lukautim helt bilong ol yet," Mista Apo i tok.



PIH Saveman *Nius*

“I kam long Pacific International Hospital Port Moresby”

Ph: 311 3000 and 799 88000 Website: www.pihpng.com

Sports Injuries

In recent years, increasing numbers of people of all ages have been heeding their health professionals' advice to get active for all of the health benefits exercise has to offer.


But for some people—particularly those who overdo or who don't properly train or warm up—these benefits can come at a price: sports injuries.

Fortunately, most sports injuries can be treated effectively, and most people who suffer injuries can return to a satisfying level of physical activity after an injury. Even better, many sports injuries can be prevented if people take the proper precautions.

What Are Sports Injuries?

The term “sports injury,” in the broadest sense, refers to the kinds of injuries that most commonly occur during sports or exercise. Some sports injuries result from accidents; others are due to poor training practices, improper equipment, lack of conditioning, or insufficient warm-up and stretching.

Although virtually any part of your body can be injured during sports or exercise, the term is typically reserved for injuries that involve the musculoskeletal system, which includes the muscles, bones, and associated tissues like cartilage. Following are some of the most common sports injuries.



Sprains and Strains

A *sprain* is a stretch or tear of a ligament, the band of connective tissues that joins the end of one bone with another. Sprains are caused by trauma such as a fall or blow to the body that knocks a joint out of position and, in the worst case, ruptures the supporting ligaments. Sprains can range from first degree (minimally stretched ligament) to third degree (a complete tear).

Areas of the body most vulnerable to sprains are ankles, knees, and wrists. Signs of a sprain include varying degrees of tenderness or pain; bruising; inflammation; swelling; inability to move a limb or joint; or joint looseness, laxity, or instability.

A *strain* is a twist, pull, or tear of a muscle or tendon, a cord of tissue connecting muscle to bone. It is an acute, noncontact injury that results from overstretching or over contraction.

Symptoms of a strain include pain, muscle spasm, and loss of strength. Although it's hard to tell the difference between mild and moderate strains, severe strains not treated professionally can cause damage and loss of function.



Sports Injuries ?

Full-time Specialist in Sports Injuries now at PIH

Remedies for

- Sprains & Strains
- Ligament & Muscle Tears
- Cartilage Injuries
- Joint Injuries

Now available

- Arthroscopic Reconstruction
- Arthroscopic Joint Debridement
- Ultrasound Therapy
- IFT / Focussed Physiotherapy

PIH is always committed to delivering advanced health care to the people of PNG.



Pacific International Hospital
Sec 105, Lot 2, Taurama, 3 Mile,
Port Moresby, PNG
info@pihpng.com | www.pihpng.com
@pihpng | @pihpng

Call us on
7091 8115
BOOK AN APPOINTMENT

Tari sif bai go long intanesenel Edukesen kibung

Paul Zuvani i raitim

MUNDIYA Kepanga, TARI sif long Hela, bai go long wanpela bikpela intanesenel edukesen kibung long London, Ingran long dispela mun.

Kepanga bai go bihain long em i kisim askim long Irina Bokova, Dairekta-Jeneral bilong Yunaited Nesens Edukesen, Saintifik na Kalsurel Oganaisesen (UNESCO) long kamap long 2016 Global Edukesen Monitaring (GEM) ripot.

Eksektiv Dairekta bilong PNG UNESCO opis, Andrew Angobe, i amamas long makim bilong Kepanga.

Taitel bilong GEM repot i tok Edukesen bilong manmeri na planet: Kamapim ol samting bilong strongim laip bilong olgeta manmeri long bihain taim, we i min lainim ol manmeri bai ol i ken lukautim busgraun long strongim ol pikinini long bihain taim.

Miss Bokova i tok GEM, i kamap bihainim ol model na ripot UNESCO I stat traim long 2002.

Em i tok GEM i kisim nupela sapot long ol Membra kantri



Mundiya Kepanga, Tari sif, husat bai go long intanesenel kibung long Ingran i kisim poto klostu long Libeti steti long wanpela pastaim wokabaut bilong en i go long Amerika . Poto: UNESCO

long skelim wok em i mekim aninit long Sastenibel Developmen Gol namba 4 bilong 2030 Sastenibel Developmen Ajenda olsem olgeta i mas skul na kism gutpela skul.

Long pas bilong en, Bokova i tok GEM ripot i skelim intasektorel na risiprokel wok namel long edukesen na ol

bikpela hap bilong 2030 ajenda – sastenibel developmen.

Na GEM i save kamapim ol wok taim em i kisim ol ripot we i save wok i mas kamap we tok long daunim hevi bilong poveti (stap turangu), pasim hevi bilong hangre, strongim helt, ikwaliti na

strongim ol meri, wei bilong kamapim wok na kaikai, pasin bilong stap long siti na raits bilong olgeta manmeri.

“Olsem Papua sif long Tari rijen, wok bilong yu long dispela kibung bai soim ol manmei long lainim ol pasin komuniti bilong yu i save mekim long strongim sastenibel developmen ajenda,” Bokova i tok.

Em i tok moa olsem ol tok tok bilong Kepanga bai givim bikpela mining long wok bilong edukesen, moa long strongim ol manmeri long ol i no ken daunim narapela narapela long wok bilong ol tasol long lain long ol yet.

Kepanga i save kamap long planti kain kibung bilong edukesen, histori museum, saintis na ol grup we i save sapotim ol as ples lain na wok bilong ol.

Long aweanes tok bilong en Kepanga bai mekim ol aweanes long ol manmeri i save long kalsa bilong en na long wei ol manmeri bilong en i stap.

Long 2015 em i bin kisim wanpela askim long kamap long sampela ol kibung olsem Klaimet Senis kibung long Frans.



Gutpela Kaikai i Helt Bilong Yumi

SAMPELA yia i go pinis mi bin stap tupela wik wantaim wanpela mama long Angau Haus sik long Lae. Klostu long bet mama i slip em wanpela meri nau tasol helikopta i karim i kam.

Meri ya i bin i gat bel long pikinini na em sik nogut tru. Sik i paitim em nogut tru na em i no lukim liklik bebi em i karim. Taim san i go daun long seim dei yet meri ya i lusim laip bilong em.

Dispela meri em i wanpela kumu sela. Olgeta dei em i save salim kumu inap long mani mak bilong K50.00 tasol em yet i no save kaikai kumu. Taim em i gat bel long pikinini em i bin sot tru long blut.

Yumi lukim long ol taun na siti ol sik bilong kaikai i wok long kamap bikpela nau. Ol kain sik olsem kensa, sik sotwin, sik suga na planti arapela.

Planti yumi nau long dispela taim i laikim tumas ol kaikai i pulap long suga na sol. Planti yumi i laikim tumas kaikai ol i kukim long wel.

Em tru dispela ol kain kaikai i swit long maus tasol yumi save wanem samting ol i mekim long bodi? Tumas wel na suga na sol long bodi i ken bagarapim bodi bilong yumi hariap tru.

Skelim! Dispela ol kaikai i no dia long baim. Prais bilong ol i daun tru. Tasol taim bodi i kisim bagarap prais bilong haus sik na marasin i save antap tru. Na planti yumi i no save inap long baim marasin hariap long halivim yumi. Rot bilong go long hausik tu i save hat.

Tasol maski yumi noken toktok long marasin na sik. Yumi laik toktok long gutpela sindaun we gutpela kaikai i save givim.

Wanpela mama i stori olsem em i no save givim tumas kaikai bilong stua long ol pikinini bilong em. Olgeta dei ol i save kaikai ol kaikai bilong gaden na planti kumu. Nau pikinini bilong em i gat 19 krismas na inap nau em i bin go long haus sik tripela taim tasol. Em i stori olsem em i no save hatwok long olgeta pikinini em i lukautim bikos sik i no save bungim ol.

Tok bilong kaikai bilong gaden em i no nupela toktok. Planti yumi i save pinis tasol yumi laikim tumas suga kaikai o yumi bihainim prais.

Skelim! Bilong wanem na prais bilong stua kaikai i daun na prais bilong fres kaikai long Mosbi na Lae siti em i antap tumas? Long ol rurol ples fres kaikai i pulap tru tasol ol i laik salim tasol long maket na bihain baim ol kaikai bilong stua.

Ol lida bilong yumi i gat bikpela wok long helpm yumi long kisim gutpela kaikai olgeta dei. Bilong wanem yumi larim ol gutpela fres kaikai i stap na bagarap insait long ol rurol ples na i no helpim ol fama long bringim i kam long maket? Ol lida inap long helpim long daunim prais bilong ol dispela kaikai olsem bai planti moa famili insait long ol siti i ken kisim gut holti kaikai?

Planti mama na papa i les tasol long kukim gut kaikai long haus na ol i save spit i go long fasfud. Em gutpela dispela pasin i helpim ol long taim ol i skin dai tasol taim sik i bungim ol, ol i save sotwin long painim dokta na hausik. I nogat nid long dispela sapos yumi stat kaikai gut nau.

Nupela opereting tieta long Modilon Jeneral Haus sik long Madang

Madang ran baksait tru long banis sut program – Kachau

James G. Kila i raitim

MADANG provins i ran baksait tru long givim banis sut o imunaiesin program bilong en, na dispela i mekim em daunbilo tru long nesenel mak bilong PNG.

Provinsal Helt Dairekta, Marcus Kachau i tokaut long dispela taim em i toktok wantaim ol nius lain long Madang.

Mista Kachau i tokaut olsem Madang provins i no wok long ran orait long ol yia i go pinis long sait long imunaiesin program bilong en o wok long givim banis tu long ol pikinini. Em i tok olsem planti ol hevi i stap na dispela i no kamap na Nesenel Helt Dipatmen i no stretim ol dispela.

Em i tokaut olsem ol bokis ais o ples bilong putim ol marasin na su em ol helt wok lain i save yusim i go olupela pinis na i nidim nupela o

senis long kamap. Tasol Nesenel Helt Dipatmen i no mekim wanpela samting long stretim dispela hevi, maski olsem Madang helt divisin i salim planti leta i go long Nesenel Dipartmen ov Helt hetkwata long stretim dispela hevi.

Em i tokaut tu olsem wanpela bikpela hevi em sait long trenspot long bringim ol wokman meri bilong helt i go aut long ol distrik long mekim wok long givim banis sut na marasin long ol pikinini. Planti ol ples long Madang i stap longwe tumas na em hat tru long go aut taim nogat sapot i kam long gavman long sait long trenspot.

Mista Kachau i tok olsem mak bilong PNG long kari-maut imunaiesin o givim banis sut long wan wan provins em 98 pesen na antap, tasol Madang na ol arapela provins long Momase rijon nau yet i ron daunbilo

yet long 50 na 60 pesen mak we i no gutpela tumas.

Madang provins i bin lon-sim imunaiesin program bilong en long las mun, na namba wan tripela distrik long provins we ol helt wokman meri i go aut long mekim wok em long Madang distrik, Bogia na Sumkar.

Program i stat pas long ol dispela distrik bikos ol em isi long sait long trenspot long ol wokman meri i go aut na mekim wok long givim banis sut o imunaiesin long ol pikinini.

Em i tok narapela tripela distrik long provins em Midel-Ramu, Raikos na Usino-Bundi bai lukim program bilong ol stat bihain.

Mista Kachau i tok dispela spesel imunaiesin program em ol i laik pinisim na karpaim olgeta provins pastaim long Krismas long mun Desember 2016.

Luksave long ol tisa

Paul Zuvani i raitim

OL tisa long kantri bai amamasim Wol Tisa De long 5 i go long 6 bilong narapela mun, Oktoba wantaim het tok “luksave long ol tisa, sapotim stap bilong ol”.

Long amamasim dispela de, Yunaited Nesen Edukesenel, Saintifik na Kalsurel Oganaisesen (UNESCO) long Bangkok, Thailand i laik tokaut na soim tu ol stori na laip bilong ol tisa arere long amamas bilong dispela de.

Eksekutiv Dairekta bilong Papua Niugini Nesenel Komisen bilong UNESCO, Andrew Angobe, i askim ol Papua Niugini long bung wantaim ol tisa na amamasim dispela de.

Em i tok ol tisa i mekim bikpela wok long givim taim long lainim ol pikinini bilong ol i kisim save na kamap gut long sosaiti.

Em i tok ol papamama i ken raitim o tokaut long sampela samting long ol tisa long amamasim dispela de.

Angobe i tok sapos ol papamama i raitim ol toktok, ol i ken raitim ol samting namel long 100 i go long 200 wod na putim kala long dispela ol toktok.

BSP givim K70m long manmeri pinis

BANK ov South Pacific (BSP) i givim pinis K70 milien long manmeri husat i laik kisim dinau mani na mekim haus aninit long BSP Hom Onasip Skim we gavman na BSP i patna wantaim long givim dispela namba wan sevis long ol manmeri.

Sif Eksekutiv Opisa (CEO) Robin Fleming i tok dispela nupela hom onasip skim i lukim 120 manmeri i aplai pinis na i stap long lis bilong

BSP long givim mani na kirapim nupela haus bilong ol.

Mista Fleming i tok no gut dispela namba i go antap bikos planti manmeri i wok long painim graun long mekim haus.

“Dispela namba i ken go antap, em i dipen long graun. Sapos ol manmeri i gat graun, ol inap long kam long BSP na sekim sapos dispela em inap o nogat,” Mista Fleming i tok.

Mista Fleming i tok haus em i wanpela namba wan samting long laip bilong manmeri long PNG, na BSP i amamas long helpim ol manmeri wantaim dinau mani long helpim ol i kirapim haus bilong ol.

“BSP i stap redi long wokbung wantaim gavman na helpim ol pipel bilong yumi long dispela kantri long mekim gutpela haus na slip,” Mista Fleming i tok.

KCH na BSP wokbung long Pacific MMI join vensa

Minista bilong Pablik Entaprais na Stet Invesmen, William Duma, i tok Kumul Consolidated Holdings (KCH) na Bank ov South Pacific (BSP) i wok long toktok aninit long wanpela Memorandum ov Andastending (MoU) tupela i bin sainim pinis wantaim tingting long kirapim wanpela join vensa kampani long operetim Pacific MMI Limited insait long Pasifik rijon.

Aninit long dispela join vensa MoU, tupela kampani i lukluk long bungim tupela insurens kampani – Pacific MMI na BSP Life (Fiji) Limited - na kamapim olsem wanpela bikpela insurens kampani insait long Pasifik rijon.

Mama kampani bilong Pacific MMI Insurens em i KCH, na mama kampani bilong BSP Life em i BSP benk bilong PNG.

Mista Duma i tok: “Pacific MMI em i wanpela sab-sideri kampani bilong Kumul Consolidated Holdings na nau mipela i wok long painim ol rait wei we



Menesing Dairekta bilong KCH, Garry Hersey wantaim Sif Eksekutiv Opisa bilong BSP, Robin Fleming.

mipela i ken bihainim long strongim patnasip bilong mipela wantaim BSP. Mi bilip dispela patnasip bai givim bikpela sans long Pacific MMI long kamap olsem wanpela bikpela insurens kampani bilong Pasifik.”

Mista Duma i bin salensim olgeta Stet On Entaprais (SOEs) o ol bisnis bilong gavman long larim Pacific MMI i kamap insurens kampani bilong ol.

Minister Duma i tok: “I gat planti sans long mekim

bisnis name long ol bisnis bilong yumi yet insait long ol wan wan SOE.

“Dispela em i soim gutpela piksa na bai strongim ples bilong PNG long sait bilong bisnis insait long Pasifik rigon.”

Menesing Dairekta bilong KCH, Garry Hersey wantaim Sif Eksekutiv Opisa bilong BSP, Robin Fleming, i sainim dispela Pacific MMI MoU long Ogas 16, 2016 long hetkwata bilong BSP long Pot Mosbi.

Liklik pikinini ken opim seavings akaun wantaim NCSL

NASFUND Contributors Savings & Loan Society Limited (NCSL) i givim sans long ol liklik pikinini na bebi tu wantaim long sevim mani aninit long wanpela prodak bilong ol, Kids Savings Account (KSA).

Dispela disisen long larim ol papamama i sevim mani bilong ol liklik bebi husat i no abrusim tri (3) yia krismas, i kamap bihain long wanpela maket sevei NCSL i mekim. Dispela maket sevei i painimaut olsem planti papamama i laik sevim sampela mani bilong liklik bebi bilong ol.

Taim NCSL i lon-sim KSA long Jun 2015 planti ol papamama i opim moa long 2,000 seavings

akaun bilong ol pikinini bilong ol.

Ol papamama i ken putim K1 o moa i go insait long KSA na helpim ol pikinini bilong ol long gat mani long mekim bisnis o go skul long bihain taim.

NCSL i kirapim dispela nupela prodak long larim ol pikinini i sevim mani taim ol i liklik yet na long larim ol i save ol gutpela pasin bilong menesim mani long bihain taim.

KSA seavings akaun em i trasti akaun we ol papamama i ken opim long nem bilong ol pikinini bilong ol, na taim ol i winim 18 yia, ol papamama i ken lusim long han bilong ol pikinini yet.

Ol papamama i ken rausim mani

long dispela akaun sapos ol i laik salim pikinini i go long skul o long haus sik.

Ol man i stap aninit long KSA i no save kamap olsem sekyuriti bilong arapela ol manmeri long kisim dinau mani.

Ol papamama husat i laik opim nupela KSA akaun bilong i ken kisim ol aplikansen fom long websait bilong NCSL (www.ncsl.com.pg) na sevim mani bilong ol pikinini bilong ol long gutpela bilong bihain taim.



Wokmeri bilong NCSL, Kila Irau, i helpim ol memba bilong NCSL taim o i askim long Kids Savings Account.



BOOK ONLINE NOW & PAY LATER

within 48 hours at your nearest Air Niugini Sales Office.

Call Toll Free on **180 3444** or contact your nearest Air Niugini Travel Centre or Travel Agent.

 **Air Niugini**  
www.airniugini.com.pg

Mada Teresa bai kamap Santu long Sande

LONG Sande Septemba 4, bai Katolik Sios long wol i givim bikpela luksave long Mada Teresa bilong Kalkata na mekim em i kamap wanpela Santu.

Ol pipel long wol i save long stori, laip na wok bilong Mada Teresa. Em i bilong kantri Albania long Isten Yurop na i bin kamap wanpela Katolik Sister na kirapim kongrigesen ol i kolim "Missionaries of Charity". Ol i save wok long ol strit na setelmen long lukautuim ol tarangu manmeri na ol pikinini long kantri India.

Mada Teresa i bin kamap long wanpela famili i gat planti mani, tasol em i kamap meri bilong wok marimari long ol tarangu lain inap em i bin dai long yia 1997.

Ol i save kolim em long "Ensel bilong ol slam o setelmen" bikos long dispela wok marimari em i save mekim.

Sen Peter's Skwea long Vatiken, Rom, bai gat spesel misa long taim bilong mekim Mada Teresa i kamap wanpela santu bilong Katolik sios. Em nau bai ol i kokim em, Santu Mada Teresa.

Long redi long dispela spesel de long Sande, tude ol i stat long kamapim ol ektiviti o program long Vatiken, Rom.

Bilong statim ol program tude, ol



Logo bilong kenon- aisesen o Mada Teresa i kamap santu. Pop John Paul 2 i bungim Mada Teresa long 1992 long Vatiken, Rom.

Ol Poto: Intanet.

i opim wantaim wanpela musik muvi bilong Mada Teresa ol i kolim long "Mother Teresa: The Musical. Wanpela saveman bilong musik, raita na singa bilong Itali, Michelle Paulicelli, i kamapim. Na tu, ol i holim wanpela famili kaikai bilong ol tarangu long dispela taim.

Long Fraide, ol bai wokim tripela

misa long tripela tokples, Inglis, Spenis na Italien long Basilika bilong Santu Anastasia, klostu long haus bilong ol Missionaries of Charity na Sekes Maximus. Ol bun bilong Bleset Teresa bilong Kalkata bai stap long taim bilong ol wan wan misa.

Mercy o wok marimari em i

bikpela hap bilong dispela sere- moni na bai gat sakramen bilong Rikonsiliesen long dispela taim. Long apinun, ol pilgrim bai go in- sait long Santu Dua bilong basilika na lukim ol eksibisen o ol poto long laip na wok bilong Mada Teresa.

Bai gat prea vijil na adoresen lotu long nait long Santu John Lat-

eran Basilika na het tok bilong dis- pela lotu em : Soim aut lait bilong Krai: Singaut long kamap holi o wokim o bihainim stretpela pasin na pre long ol famili, na ol rilijes na ol minista bilong wok marimari.

"Bihainim na wokim stretpela pasin i no samting bilong liklik lain, nogat," Mada Teresa i bin tok wanpela taim.

"Em i no hatpela wok yumi wan wan inap long mekim ," Mada Teresa i bin tok.

Septemba 3, bai stat wantaim Pop Francis i autim katekis toktok long ol jubili woklain na mesi- volantia , na long apinun, bai gat prea na meditesen long musik bai kamap long Santu Andreaddella Valle long namel bilong Rom na Misa long 7 klok nait na wet long bikpela seremoni na selebresen long neks de Sande, Septemba 4.

Misa bilong santuim Mada Teresa bai stat long 10 klok mon- ing na bai gat Anjelus long belo.

Ol i ting samting olsem 500,000 pilgrim, ol bisop, pater na rilijes bi- long India na Albania na ol stet lida- tu bai kamap long dispela sere- moni, winim 300,000 mak we i bin kamap long yia 2003 taim ol i bin holim seremoni long kolim em Ble- set Mada Teresa.

Sios lida mas stap pisamen bilong ol man

OLGETA manmeri i ken senisim pasin na kamap gut.

Dispela em askim i go long 13 vokesen promota long Pot Mosbi Asdaioes taim ol i kamap long vokesen sarap long asdaioes hetkwata long Boroko, Sarere 20 Ogas, 2016.

Het tok bilong dis- pela sarap em "pisamen bilong ol man" (Metyu 4:19).

Dispela tok em Pater Ambrose Pereira, SDB, i bin givim.

Long dispela Pereira i tok long dis- pela taim sosaiti i stap long taim we teknoloji i senis bikpela wantaim tingting na pasin bi- long ol man.

Em i tok gridi na mi pasin i pasim gutpela pasin bilong helpim narapela na mekim wok stret long sapo- tim laip bilong wan- pela.

Em i tok ol man- meri husat i gat mani i kisim isi taim na bagarapim laip bi-

long ol arapela husat i painim hat long laip.

Em i tok kain pasin i kamap long wanem asua i stap tu long ol lidaman husat i no mekim ol gutpela polisi na wok long helpim ol manmeri.

Moa long dispela stat long ol lidaman i go daun long ol opis wokmanmeri i paulim ol pablik samting long helpim ol yet na i lus tingting long givim sevis long ol manmeri.

"Kain pasin i mas pinis sapos Papua Ni- uguini i laik lukim gut- pela sindaun," Fr Pereira i tok.

Em tok laik bilong kamap na bihainim pasin bilong God na stap olsem wokman bilong en tu i hat.

Dispela em bikos kain kain pasin i bagarapim tingting bilong ol manmeri.

"Man maritim man, meri maritim meri na bebi i kamap long tes-tub bai i no inap i kamapim komyuniti we ol

manmeri inap isi long gat laik bilong kamap wok manmeri bilong God.

"Kain laip i soim ol yangpela long bi- hainim ol isipela laip na i no inap wari sapos ol i mekim gut- pela pasin o nogat.

"Dispela bai mekim ol yangpela long ol i gat hevi long bilip, long skul na laip."

Long dispela Fr Pereira i askim ol sios lida long ol i kamap wantaim ol program long pulim tingting bilong ol yangpela i go bek long Baibel, God na pasin bilong en.

Em i tok laik bilong ol lidaman tu i ken mekim ol manmeri i lukim ol na pulim ol i go insait long sios.

"Olgeta lain man- meri long sosaiti, sapos ol i tisa, papa- mama o sampela kain lida i mas gat wanpela tok tasol bi- hainim dispela tok long laip bilong ol," Fr Pereira i tok.

Em i tok long

pulim tingting bilong ol yangpela long kamap wok manmeri bilong God ol voke- sen dairekta i mas:

Gat gutpela skul i go long ol yangpela long sait bilong bodi, tingting na spirit;

Plawa i ken gro long ples ston tasol sapos wanpela i givim wara long em, bai em i ken karim plawa na

Mipela i mas pulim ol manmeri long kam insait long sios na i no stap olsem was- man bilong pis-pon tasol.

Long amamas long dispela sarap Sr Car- mencita FMI i tok: "Dispela sarap i helpim mipela long luksave long singaut bilong mipela na amamas long dispela laip.

"Em i salensim mipela sapos mipela i mekim gut wok na sapos mipela i wok long pulim ol man- meri long kamap wok manmeri bilong God."

Yama laikim gavman givim sapot long yut

James G Kila i raitim

OLPELA memba bilong palamen na Madang bisnis- man, Peter Yama i tokaut olsem sapos dispela kantri i laik lukim gutpela senis i kamap, orait em i mas givim moa luksave i go long ol yut.

Mista Yama, husat i wan- pela strongpela man bilong toktok na lida bilong Pipels Leba Pati na bipo i holim wok olsem Minista bilong Woks, i mekim dispela tok- tok taim em i opim wanpela yut kibung long Bagabag ailan long Sumkar distrik i no long taim i go pinis.

Em i tokim planti handet ol memba bilong Evanjelikal

Luteran Sios yut husat i go bung long wanpela wik ki- bung olsem husat gavman i laik lukim gutpela develop- men long kamap i mas luk- save long ol yut o yangpela manmeri long kantri.

Mista Yama i tok luksave long yut i mas stap long sait long ekonomi, sosel na ara- pela ol wok developmen bikos ol yut em grup we i ken holim na sapotim divel- opmen insait long komyu- niti, distrik, provins na kantri long go het.

Em i tokaut olsem sapos no gat sapot i kam long ol yet, dispela kantri bai no inap go het gut. Olsem na ol yut i mas stap na go wan-

taim developmen i laik kamap.

Mista Yama i tok moa olsem taim gavman i givim sapot na moa helpim i go long ol yut, em bai givim mining long laip bilong ol yangpela manmeri husat i no go het long edukesen sistem na i no gat wok na i no go sans long skruim moa edukesen olsem long ol yu- nivesiti.

Mista Yama i tok olsem Sios tu i gat bikpela wok long strongim na stiaim laip bilong ol yangpela manmeri o yut long go het long bi- hainim tok bilong God.

Ol mama Usino i lainim wei bilong samapim klos

Mathew Yakai i raitim

OL mama long Usino LLG in- sait long Madang Provins i gat bikpela bilip olsem ol yet i ken kamapim gutpela sindaun insait long famili na komyuniti bilong ol na i no ken wet planti taim long gavman i kisim ol sevis i kam long ol.

Wantaim dispela strong- pela tingting, ol i bin kamapim wanpela woksop long wei bilong samapim klos na meri blaus yusim kain kain stail.

Dispela woksop i bin kapam long Usino ples in- sait long Wod 31. Ol 32 mama na ol yangpela meri i

bin kamap long las wik Mande Augus 22 na pinis long Sande Augus 28 we ol i bin greduet tu.

Sampela bilong ol dispela mama na yangpela meri i no save samapim klos bipo tasol dispela woksop o skul nau i opim tingting na save bilong ol long samapim ol klos olsem meri blaus.

Meri go pas long skulim ol, Roselyn Jethro i tok em i bin skulim ol meri tripela kain wei bilong samapim meri blaus na ol siot na planti i kisim dispela save hariap tru.

"Planti meri i no save long samapim klos tasol mi strongim ol na soim ol wei

bilong samapim klos na tude ol i ken samapim klos bilong ol yet. Dispela em nupela samting stret long ol na mi amamas.

Ol mama ya em ol bilong Luteran Sios insait long Usino Kongrigesen long Bekesin Seket. Madang Dis- trik Luteran Sios i sponsa long dispela wan wik woksop bilong ol. Narapela wankain woksop bai kamap long Oktoba 14.

Misis Jetro i tok ol mama long narapela sios olsem Katolik na SDA i bin joinim ol bilong wanem ol hevi na salens bilong ol mama em wankain.

Ol gavman dipatmen i mas was gut long mani bilong kantri



na haia ol lokal na ovasis konsalten.

Gavman i tok bai ol i spendim mani long ol impoten sevis olsem helt, edukesen, lo na oda, ol bikipela rot na bris na ol wok redi bilong 2017 nesenel ileksen.

Planti toktok i bin kamap bihain long gavman i tokaut long dispela Saplamenter i Baset. Sampela i sapotim ol senis gavman i bin mekim na sampela i givim tok lukaut.

Oposisen i bin mekim sampela strongpela toktok olsem gavman i bin asua long putim bikipela baset tumas na nau kantri i sot. I gat strongpela toktok tu long ol dinau gavman i kisim long ol benk insait long kantri na long ol ovasis

benk tu long kamapim 2016 baset.

Tasol ol memba bilong Palamen i sapotim dispela senis na ol i tok orait long Saplamenter i Baset.

I gutpela Treseari Minista yet i tokaut long ol eria we gavman i mas was gut na i no ken tromoi bikipela mani tumas.

Ol kain samting olsem ol opisa bilong gavman o ol minista bilong gavman raun long ol arapela kantri o insait long PNG yet i save kostim bikipela mani tru.

Olgeta yia kantri i save lusim bikipela mani tru long baim ol hotel bilong ol dispela lain i slip, haia kar, haia long ol miting rum, haia long ol konsalten na planti arapela moa.

Gavman i save lusim bikipela mani tu long ol trening program, baim ol loya, rentim opis spes bilong ol dipatmen na planti arapela liklik wok nabaut. I gutpela olsem Minista yet i tokaut long ol dispela samting na yumi hop ol gavman dipatmen i harim gut na bihainim tingting bilong gavman long sevim mani.

Ol bikipela wok olsem ol rot na bris na transpot na komyunikesen em ol impoten samting bilong helpim ikonomi bilong kantri.

Ol saveman bilong plenim baset na ol ikonomis i givim gutpela edvais long gavman long ol rot bilong brukim gut mani i go long ol dispela eria na bai sampela wok i ken kamap.

Planti taim ol bikipela projek bilong gavman i no save karim gut kaikai bikos i no gat man i sekap oltaim long lukim sapos wok i ran stret na i no abrusim baset o nogat.

Gavman i tok tu olsem dispela Saplamenter i baset bai soim ol ovasis dona na ol arapela kantri olsem PNG i luksave long hevi long mani na i stretim gen baset bilong 2016.

Gavman i laik ol dispela lain i luksave na i gat bilip long wok ol lida i mekim long strongim mani plen na ol developmen wok insait long kantri. I no gat tok long dispela, bikos gavman i luksave long wanem samting i sot na em i traim long stretim bipo long dispela yia i pinis.

I gat tripela mun i stap yet na bai yumi lukim baset bilong 2017 i kamap long mun Novemba.

Ating insait long dispela tripela mun bai yumi lukim ol rot bilong sevim mani i karim kaikai na kantri bai i no inap lusim bikipela mani tumas.

Yu hop tu gavman i ken kisim moa mani long ol bisnis han bilong en long inapim dispela saplamenter i baset.

Baset bilong neks yia bai i lukluk long ol wok bilong nesenel ileksen na sapos yumi sevim gut mani nau, bai i no gat hevi long kisim bikipela dinau long kamapim 2017 baset.

Save i stap long wan wan gavman dipatmen long bosim gut mani bilong kantri.

PNG laikim gutpela lida manmeri

EM i gutpela nius long save ol sumatin bilong Yunivesiti bilong Papua Niugini na Yunivesiti bilong Teknoloji bai statim skul bilong ol long narapela wik.

Dispela nius i mekim ol sumatin i amamas long taim ol i harim. Ol papamama, ol tisa long yunivesiti na jeneral pablik wantaim i amamas.

Skelim Tingting i kisim dispela taim long toktok long stap bilong sumatin bikos dispela ol manmeri em ol i gat save.

Yumi i ken tok ol i lidaman na meri bilong Papua Niugini long 'tumora'.

Papua Niugini bai stap gut taim em i gat ol gutpela lida.

Pastaim disisen bilong Yunivesiti \Kaunsil long saspensim skul yia bilong ol sumatin inap kamapim hevi.

Bihainim toktok bilong Pater Victor Roche, SVD, seketeri bilong Katolik Bisop Konprens bilong Papua Niugini



ini na Solomon Ailans, em i tok ol sumatin i savemanmeri bilong kantri.

Long lusim ol i stap nating inap kamapim hevi. Skelim Tingting i ting dispela i trupela tok.

Dispela long wanem ol sumatin i gat strong bilong mekim samting, na sapos ol i no yusim dispela strong, ol bai laik yusim long sampela kain wei bilong rausim.

Na planti taim ol bai laik yusim strong long rong pasin olsem dring bia, spak, kros pait o ol arapela rong pasin.

Tasol bipo long ol pikinini i

kamap gutpela lida maski ol i stap long yunivisiti o stap liklik mangi wantaim papamama em wok bilong sosaiti wantaim long lainim ol long gutpela pasin bilong kamap gutpela lida.

Papamama, tisa na ol lida wantaim i mas skulim ol pikinini na ol yangpela long gupele pasin na tingting long stap long komyuniti.

Buk Baibel i tok: "Yupela ol papa i no ken bagaraim tingting bilong ol pikinini bilong yupela na mekim ol i belhat long yupela. Nogat. Yupela i mas mekim gutpela pasin long ai bilong Bikipela, na stretim gut ol pikinini bilong yupela na skulim ol long tok bilong Bikipela," Efesus 6:4

Long hia Aposel Pol i tok long papa, tasol yumi ken tok tisa na lidaman wantaim, olsem ol i mas lainim ol pikinini long tok bilong Bikipela na i no long tok na pasin bilong manmeri. Nogat.

Bikos pasin bilong Bikipela i save lukautim laip, long laikim narapela na mekim gut long ol.

Kantri i no inap lukim gutpela sindaun taim ol manmeri i no bihainim tok bilong God.

Long ol pikinini buk Baibel i tok tu: "Pikinini, yu mas harim tok bilong papamama bilong yu na yu no ken sakim tok bilong tupela. Tok bilong tupela bai i mekim yu i kamap gutpela man, (Gutpela Sindau 1: 8-9).

Na wankain tok i stap long Efesus 6: 1-2: "Yupela pikinini, yupela i mas bihainim tok bilong papamama bilong yupela. Yupela olgeta i pas wantaim Bikipela, na dispela pasin em i stretpela pasin bilong yupela i mekim."

Olsem olgeta sait wantaim papamama, tisa na lidaman i mas givim gutpela skul na stia tok long ol pikinini i kamap gut na kamap gutpela lida manmeri.



Published Weekly, Thursday, for
Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantokniuspepa.com

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager


Elizabeth Konga

Editor

Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Em nau! Ol pikinini i ken painim rot i go long ples wantaim Wantok lain...



PAINIM WOD PILAI

Ol wod lista:	EVANSELIS	WAITSAN	KALENDA
	AMAMASIM	LANIS	HATIM
KALAPIM	BUNPIS	BORIM	MAUNTEN
MEDAL	GUMI	SIMENIM	PAURA
SOTPELA	MAUSOGAN	YISIM	SAMPELA
WINDO	PASLAIN	TAUSEN	TILIM
ISIPASIN	RESAIM	MAMI	JANUERI

U G R V G D B E W P R E I J T S C T E B D A R M A
F Z Y S T E S N W N I M D I N S A H G Y H I G E Q
E M T T H C R V I R U I E M L S F T F A I Z Z I I
X N C F N J S S N K C J D E I N E G M E A S T Q C
X R E S F V N I M A B O A C U D E N M F I I I E P
G A R I I E S E H L B T D N O H F S P D M R P M N
I A N S L M T Z N E E E E F D A U K H A E T D A I
E L S P R E E M A N M P W M R B S A M U R Z G I T
V T L P E C X N W D L E Y E W U H L N D R O M W Q
N E Y H K E A I I A P C D H K N L A P A S L A I N
I W N A A J B H A E A E L A W P J P C U F S O N V
R R R T E D H N Z T S D V P L I A I A N D E W D N
A N D R V P A I G U M I V A W S E M A Q U B P O M
G E A W S M K E C E C L A N N Y I S I P A S I N E
Z Y A C E M R P I T J L R L D S T M A U N T E N P
C U H X P N N N L H E P E A A I E G E M O O T M Z
G S P C A Y H N P P A O S M A N M L A N P E G Z E
A T A S U R L E T S G T A W S T I L I M I E X G T
T A E A R E B O R I M M I H F S O S M S E M L L E
S L O T A U S E N S A A M M H P Z C F O A O R A I

STORI BILONG TUMBUNA

Kapul pasim man



I no longtaim i go pinis wanpela man wantaim tupela papa bilong em i go lukautim ol kapul long bus.

Taim ol i go long bus na pikinini bilong tupela i lukim tupela kapul i sindaun wantaim long wanpela diwai kapiak. Nau pikinini ya i singautim tupela: Ei, tupela papa, yutupela kam. Tupela kapul i stap. Yutupela kam na bai mi go kilim bilong yutupela.

Taim pikinini bilong tupela i laik i go antap long diwai em tokim tupela, yutupela mas klia long dispela ples em bai kapul i kalap. Na narapela i save na i go longwe na narapela ya nem bilong em Matina i save sakim tok na em sanap em i ting olsem em smatpela man. Matina ya em gritiman tu na em sakim tok yet na sanap. Pikinini ya i go tasol sutim tupela kapul wantaim na narapela i dai na narapela i no dai tru. Na kalap stret i go long man ya sakim tok bilong em, na ai bilong kapul ya lukluk strong long ai bilong Matina. Na Matina pret long ai bilong kapul ya, na em i go long ples. Na Matina ya sanap wantaim kapul long bus ya inap long wanpela na hap de.

Kapul ya i dai long skin bilong Matina na ai bilong em stap olsem na Matina ting kapul i no dai olsem na em sanap i no mekim nois, i no singaut. Ol i go long ples lukautim em i no gat. Ol i go gen long bus na painim em sanap wantaim kapul.

Man ya Matina i hangre nogut tru na bel bilong em i go insait, tasol kapul tu holim em na em pret long ai bilong kapul na i no mekim nois.

Ol i go tasol pulim kapul long nek bilong em na baga ya tu pundaun long hap blut tu i no pilai long skin bilong em. Blut tu blakpela tru. Na ol i givim em wara na kaikai, smok. Na em kaikai, na ol i go long ples kukim kapul na em i tok, bihain mi no inap i go lukautim ol kapul. Bai mi slip tasol long ples. Olsem na nau em i no go liklik long bus save slip tasol long ples. Na em tu i dai i no longtaim i go pinis.

Mis Merry Anne Banau, Tangu Madang

Ansa bilong Wod Pilai isu 2189

Y K T T D C U A S E B S F I W F C S B A F F W K L
D J T V C O Z L L S U E P G U I Z Y E O D X G W V
I E L S M A D M K A N M A O S D Y H N E A O C S D
X Q M I I A R I I N I L U U D Y A R Z S V K S H Z
R Y H O O C H L A M N Q I B N R S D T S E R E Q
T E F E L N T O T L I S T S D L O T N F O L T F D
P L K S A A P L A U T M E I S R S D V Y K I E M M
R U E M M V O I R K B O H S S Z P S I P T E L R A
P A T T S V I M U M Z F I Y E B R Q G I G C C D N
H E A F I A S N R K O Q H N A E E O C R O I I M C
H M E K N O I S U O Y T B E E W H C E T G F E L U
I T M A G O N F T N F K S W E E D H T M T R F G H
X P T A A D F F D D S P A I D A W R G O J L J W C
E F U T U E E X I A S R P L T E F R T M A R N G E
Y T M L T S C E E H A K A R A W A D J T E E N E T
A A B D I E P K P E K P E K N N P N O E I D I N G
S X U N M M P A S T A I M E G N G A R T K M J I Z
X T A P A B A F S R Z L A W E L M A N R G T O Y K
C Q N I A A G P A H S W E M T I F S E M D J Y O W
Z M A E M S E K K I U D Z R D R I X S N I V N T G

Guria long Itali



Bikpela guria long kantri Itali i bagarapim 100 sios biling.

OL i painim moa bodi aninit long ol biling we guria i bagarapim na ol pipia long Amatrice siti, 6-pela de bihain bikpela guria i bin bagarapim sentral Itali na kilim dai 290 pipel.

Amartrice em wanpela hil o planti ol liklik maunten siti na ol i bilip yet olsem 10-pela pipel em ol i no painim yet. Siti i gat planti ol samting i gat histori long en we guria i bagarapim.

Deputi Meya, Gianluca Carloni, i tok ol i no painim yet kandere bilong em husat i save wok long Hotel Roma. Hotel ya i bin bisi bikos ol i bin wok long gat kaikai festival long dispela taim.

Ol Musium long Itali i bin givim ol donesen long ol tiket seils long helpim

Painim moa bodi aninit long ol samting we guria i bagarapim long Amatrice; gavman i poromis long bildim bek siti.

bildim bek siti, na ol top soka tim i bin wokim wanpela minit stap isi long tingim ol lain i dai long dispela guria birua.

Pope Francis i bin go pas long ol lotu prea bilong ol dai lain long Sen Peter's Skwea, Rom, na i tok em bai go lukim ol lain sevaiva i stap long eria we guria i bagarapim ol.

Ol Pater long ol guria hap i bin wokim lotu long ol bikpela selhaus. Websait bilong Amatrice munisipel i tok siti i bin gat 100 sios na olgeta i bagarap. Ol i bin holim wanpela Stet funerel long tok i gutbai long ol lain i bagarap na dai long dispela bikpela guria.

Long wankain taim, Itali i promis olsem em bai helpim long bildim bek

ol komyuniti i kisim bagarap long dispela guria.

Nau yet, ol liklik guria i wok long kamap yet long rijon na wanpela bikpela long 4.4 mak i bin kamap long Ascoli Piceno siti na mekim ol lain long siti i stap wantaim pret.

Wanpela man long Amatrice i toktok na kra i olsem em i bin kisim 20 yia long bildim haus bilong em tasol em i kisim 10-pela sekon long guria i bagarapim.

Long ol lain i dai, sampela i bilong ol arapela kantri. Ol 11-pela i bilong kantri Romania.

Planti lain bilong Romania i save wok long Itali na ol ripot i tok 14 lain bilong Romania em ol i no painim ol yet.



Ol woklain i wok long spreim Hausing Estet long Aljunied Crescent long Singapore.

SINGAPORE i ripot olsem 41 lain i gat Zika Vairas we ol i kisim yet insait long kantri. Dispela Zika vairas i ken bagarapim ol bebi i stap insait yet long bel na taim mama i karim, ol i gat liklik het na liklik kru.

Wanpela de tasol bihain long kantri i tokaut long namba wan asples meri i gat 47 krismas i gat Zika Vairas, gavman i ripot olsem 40 moa lain i gat dispela vairas. Planti em ol foren woklain long wanpela konstraksen kampani.

Ripot i no klia sapos ol dispela lain i bin lusim kantri na go aut na kam bek, tasol i luk olsem ol i kisim Zika vairas insait long kantri yet.

Helt Ministri i tok Zika vairas ya i stap long ol eria olsem Aljunied Crescent na Sims Drive eria we i gat ol bikpela biling na sampela bisnis.

Aedes mosquito — i save karim dengi vairas — Helt Ministri i tok " bai gat moa komyuniti trensmisen... bikos sampela long ol i bin kisim tes na ol i positiv i save stap na wok long ol narapela hap bilong Singapore," stetmen i tok.

Helt Ministri i putim tok save i go aut long ol haus sik na klinik long strongim was bilong ol na ripotim sapos sampela lain i kamap long haus sik wantaim skin i hat na ol res o skin i bukbuk.

Ol helt opisa i tok nupela infeksi i kamap long ples klia bihain long wanpela klinik i bin ripot las wik planti lain i gat strongpela sik.

Helt Dipatmen i salim 200 opisa bilong em long bagarapim ol ples we ol mosquito i save kamap long en.

Ol ripot i tok 36 long 41 pipel i bin pundaun wantaim Zika vairas i orait pinis tasol narapela 7-pela i wok long kamap orait long haus sik.

Singapore i bin ripot long namba wan man i gat Zika vairas long mun Me long dispela yia bihain long em (man ya) i kam bek long Sao Paulo long Brazil.



PNG Gavman i helpim Yunitek wantaim mani

John Papik i raitim

MANI em i bilong stretim ol samting i bin bagarap bihainim ol protes na trabel i bin kamap taim ol sumatin i bin laik Prais Ministia i lusim wok bilong em long ol tok-win bilong korapsen.

Yunivesiti bilong Teknoloji long Lae i bin bungim planti bagarap taim i bin gat bikpela protes em ol sumatin long ol yunivesiti long kantri i bin stap insait long en long dispela yia.

Long helpim Yunitek long stretim ol dispela bagarap, nesenel gavman i bin givim

1 milien kina bilong helpim yunivesiti long statim gen ol klas bilong dispela las hap bilong 2016 skul yia.

Minista bilong Haia Edukesen, Risets, Saiens na Teknoloji, Francis Marus i bin givm dispela mani i go long Vais-Sansela, Albert Schram.

Deputi Vais Sansela bilong Yunitek, Dokta Ora Renagi i tokim Redio Australia wantaim dispela mani helpim bilong nesenel gavman, Yunitek nau bai inap stretim planti ol samting em ol i bin bagarap long taim bilong studen protes.

PNG Helt woka i go bek long wok

Caroline Tiriman i raitim

OL helt woka bilong Maun-Hagen Jeneral Hospital long Westen Hailans provins nau i go bek pinis long wok bihain long gavman i bin rausim olupela Hospital Bod.

Ol dispela helt woka i bin mekim ol stop wok long wik i go pinis bihainim ol kros wantaim hospital na nesenel gavman long ol wari bilong mani long ranim haus sik.

Long Trinde, Helt Ministia i bin rausim olupela bod na dispela i bin mekim ol dokta,

nes na ol narapela helt woka i go bek long wok.

Maun Hagen Haus sik em i bikpela haus sik long Hailans rijon na em i save lukautim bikpela populesen tru long ol pipel long kantri. Em i wok long bungim hevi wantaim ol helt woka stat yet long mun Epril.

Dokta Benjamin Yapo i go pas long Nesenel Doktas Asosiesen long Hailans rijon i tok ol i wanbel olsem ol i rausim Hospital Bot, tasol planti wari bilong ol i stap yet.

Bogenvil pipel i laikim indipendens: Presiden i tok

Caroline Tiriman i raitim

PRESIDEN bilong Atonmas Bogenvil Gavman (ABG) i tok ol pipel bilong em i gat rait long vot bilong kisim indipendens bihainim Bogenvil Pis Agrimen (BPA).

Presiden John Momis i mekim dispela toktok bihainim ol toktok em Prais Ministia, Peter Peter O'Neill, i bin mekim long dispela wik olsem Bogenvil i no ken kisim indipendens, tasol em i mas kisim planti sapot long Nesenel Gavman long helpim ol wok developmen long hap.

Prais Ministia O'Neill i bin tok tu olsem Bogenvil i gat liklik populesen na tu, em i no gat planti samting we em i ken sapotim indipendens.

Planti tausen pipel i bin dai long bikpela pait na trabel em i bin kamap long Bogenvil bihainim ol kros long ol wok mining namel long ol papa graun na Nesenel Gavman long 1988.

Bihain long dispela krais planti pipel long Bogenvil i bin tok ol i laik bruk lusim PNG. Dispela askim bilong ol i stap insait long pis Agrimen we bai ol i holim indipendens referendam o vot.

Presiden Momis i tokim Redio Australia olsem Prais Ministia Peter O'Neill i ken mekim wanem kain toktok bihainim laik bilong em, tasol ol pipel bai tokaut long wanem tingting bilong ol taim ol i holim indipendens referendam long 2019.

Harim TOK PISIN long Radio Australia

101.9FM

Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

Papua LNG Projek

— Kavo laikim rifaineri mas stap long provins

GES bilong kamapim namba tu LNG Projek bilong kantri bai kam long wanpela provins bilong PNG we developmen i no kamap gut.

Pastaim ol memba na gavana bilong Galp Provins i no bin lukluk gut long kamapim developmen na kirapim provins bikos em i ples klia Galp Provins em i stap baksait tru long arapela ol provins bilong PNG.

Pastaim ol i kolim Gulf LNG Projek, tasol nau ol i senisim nem i go long Papua LNG Projek. Dispela namba tu bikipela ges projek bilong kantri bai kisim ges long Elk-Antelope ges fil long Galp Provins.

Plen bilong projek divelopa em long pulim ges i go aut long Galp Provins na kamapim rifaineri long narapela provins.

Total SA, wanpela bikipela oil na ges kampani bilong Frans, husat bai go pas long ranim dispela Papua LNG Projek, i tok ol bai kamapim rifaineri long Sentral Provins, klostu long hap we rifaineri bilong PNG LNG Projek i stap.

Gavana bilong Galp, Havila Kavo i no wanbel long dispela plen bilong dprojek divelopa na opereta.

Mista Kavo i bin autim tingting bilong em planti taim tasol projek bai go het na rifaineri bai kamap long Sentral Provins, i no long Galp Provins.

Mista Kavo i tok em i bin givim wanpela posisen pepa bilong ol papagraun na provinsal gavman i go long gavman na projek divelopa (Total SA) tasol tupela i no bekim wet wanpela gutpela toktok.

Mista Kavo i bin givim dispela posisen pepa long tokim gavman taim nupela kampani bilong Frans, Total SA i laik kam insait long Galp na kirapim namba tu LNG projek long kantri.

Dispela posisen pepa i autim tingting na plen bilong ol papagraun na galp provinsal gavman, Gavana Kavo i tok.

“Mi bin makim maus bilong ol pipel bilong mi long provins na givim dispela pepa i go long gavman. Tasol gavman i no bekim wanpela toktok yet na mipela i yet tasol i stap,” Mista Kavo i tok.



Mista Kavo wantaim Paim Minista O'Neill, Mista Micah na ol bikman bilong Total SA long Paris, Frans.

Em i tok tingting bilong ol papagraun na provinsal gavman i stap long dispela pepa na gavman i save pinis bikos Paim Minista Peter O'Neill i bin kisim dispela posisen pepa.

Mista Kavo i tok pipel bilong Galp na provinsal gavman i wet yet long kisim bekim bilong gavman.

“Mipela i wet yet long kisim bekim bilong gavman long wanem kain samting ol bai mekim.

“Toktok bilong mipela em i stretpela toktok. Mipela i laikim rifaineri bilong dispela bikipela ges projek long stap long ples bilong mipela yet.

“Dispela projek we Total SA bai go pas, em i stap long Galp provins. Mipela i laikim nem bilong dispela projek i kamap ‘Gulf LNG Projek’ na i no Papua LNG Projek,” Mista Kavo i tok.

Em i tok ol pipel bilong Galp na Galp provinsal gavman i les long projek divelopa i kisim ges i go aut long projek eria na kamapim rifaineri long narapela provins.

“Ol pipel i stap long projek eria i mas kisim benefit, bikipela benefit i mas go bek gen long ol pipel bilong Galp provins. Mipela i les long ges risos i go aut na mipela i kisim liklik benefit,” Mista Kavo i tok.

Em i bin tokim Palamen olsem pipel na provinsal gavman bilong Galp i laikim

kampani long putim refaineri long provins.

Paim Minista O'Neill i tok em i kisim pinis dispela posisen pepa bilong Galp Provinsal Gavman tasol em i no bekim hariap.

“Yes, mi kisim dispela posisen pepa tasol mi no bekim yet bikos gavman i no kisim wanpela developmen plen bilong dispela LNG Projek,” Mista O'Neill i tok.

Mista O'Neill i tok taim gavman i kisim developmen plen bilong Papua LNG Projek, ol bai lukluk i go insait long ol wari bilong ol papagraun na provinsal gavman na helpim ol long kisim benefit.

Long mun Jun long dispela yia, olupela Minista bilong

Petroleum na Eneji, Ben Micah, Gavana Kavo na Paim Minista O'Neill i bin go raun long Paris, Frans.

Long dispela raun, ol i bin bungim Siaman na Sif Eksektiv Opisa (CEO) bilong Total SA, Patrick Pouyanne long Paris na mekim sampela toktok long kirapim Papua LNG Projek.

Mista Kavo i no bin autim dispela tingting bilong em long kamapim refaineri long Galp Provins taim em i bin gat dispela sans long bungim bosman bilong Total SA.

Total SA i tok ol konstraksen wok bilong dispela LNG Projek bai stat long 2018 na long pinis bilong 2020, Galp LNG bai salim ges i go aut

long intenesenel maket.

Total SA bai kamap opereta bilong dispela ges projek taim Oil Search na ExxonMobil bai kamap olsem projek patna.

InterOil i bin statim PRL 15 wantaim arapela ol ges fil olsem Waho, Bobcat, Traiceratop, Elk na Antelope taim olupela siaman, Phil Mulacek i bin stap siaman na CEO bilong InterOil.

Tasol ExxonMobil bai baim InterOil wantaim ol aset bilong em olsem PRL 15. Dispela bai lukim ExxonMobil tu kamap olsem namba tri projek patna bilong Papua LNG Projek bikos em i tekova long olgeta aset na intres bilong InterOil long

dispela projek.

Long pinisim tok orait long baim InterOil, ol dairekta na seaholda bilong ExxonMobil na InterOil bai bung long mun Septemba long wanpela spesel miting bilong ol seaholda.

Dispela spesel miting bai lukim ol seaholda bilong InterOil i vot long larim ExxonMobil i tekova long dispela kampani.

Long intenesenel ges maket, prais bilong oil na ges i pundaun yet bikos planti ges na oil projek i kamap.

Tasol ol savaman bilong oil na ges i tok ges bilong PNG em i hai kwaliti na em i gutpela ges we planti ol kastoma long Esia i save laikim.



Ges bilong Papua LNG Projek bai kam long Galp Provins.

Kostal Paiplain mama grup soim gutpela piksa

James G. Kila i raitim

WANPELA waitpela PMV trak long nau yet i save ran long rot i go kam long Bugati long saut-kos bilong Madang i go long taun na i gat sain long sait dua i tok 'Coastal Pipeline Women Association'.

Dispela PMV trak wantaim wanpela banana moto-bot i save ran long solwara bilong Astrolab Be go long

Madang taun em i olsem plak na i karim gutpela stori bilong ol lain mama grup bilong Kostal Paiplain Wimens Asosiesin (CPLWA) long Ramu Nickel Projek long Madang.

Dispela ol mama insait long Kostal Paiplain em ol trupela hatwok mama stret.

Long 2014 ol lain mama bilong CPLWA i bin wanpela long foapela wimens grup long Ramu Nickel Projek

husat i bin kisim ol projek i kam long Mineral Risoses Atoriti (MRA) aninit long Wimen In Maining Smol Grent Skim Program.

As tingting bilong dispela projek em long strongim ol mama long ples long kirapim ol liklik bisnis na strongim ol long stap insait long wok bilong ol mama long kamapim mani long helpim komyuniti ol i stap long en. Ol dispela WIM projek long Ramu Nickel

Projek i lukim Kurumbukari Transpot projek, Inlen Paiplain (Maigari) Transpot projek, CPLWA Transpot projek na Basamuk wimens pigeri projek.

Namel long ol dispela foapela projek Ramu Nickel i kisim, CPLWA transpot projek tasol i ran gut stret na i bihainim stret as-tingting bilong wanem wok MRAi laik lukim kamap.

Benk stetmen bilong Pipols Maikro Benk bilong mun Me 2016 i soim olsem CPLWA i gat seavings long benk akaun bilong em i sanap olsem K53,200. Dispela seavings em ol mama grup i wokim long PMV trak na moto-bot transpot bisnis bilong ol.

Insait long ripot Ramu NiCo Komyuniti Afes Egrikalsa

Sastenabiliti seksen i kamapim i soim sampela samting we i wokim ol lain mama grup bilong Kostal Paiplain i wok gut stret. Wanpela long ol em ol lain memba bilong asosiesen i save wokbung wantaim ol eksekutiv na ol lida meri ol i makim. Narapela samting tu em meri long menesmen tim i wok bung wantaim na tingting moa long kamapim wok long sevim asosiesen. Narapela samting tu em ol draiva bilong PMV wantaim ol boskru i save harim tok na save wok hat stret na bihainim wanem tingting ol mama i givim. Ol memba bilong grup tu i sapotim dispela transpot bisnis na wanem liklik hevi i laik kamap em wantu stret ol save stretim long gutpela pasin bilong wok.

Dispela transpot bisnis bilong ol CPLWA i bin givim sampela gutpela helpim i go

long komyuniti long eria ol i stap long en long Astrolab Be LLG. Sampela long ol helpim grup i givim em long helpim Erima etpos konstraksen wok wantaim K500, na tu ol i givim wanpela masin bilong samap i go long Alemo sios. Ol i givim sapot tu i go long pigeri prodaksen na fam menesmen trening long Siroi eria we i lukim 40 memba i kisim trening.

Dispela transpot bisnis i bin sapotim poltri prodaksen trening na helpim long opim akaun bilong 36 lain long Erima viles. Transpot bisnis ya i bin helpim 90 lain bilong Siroi eria long opim benk akaun wantaim Pipols Maikro Benk. Em i helpim tu long bringim skul saplai i go long Bibi Paimereri Skul na helpim long karim medikol saplai i go long Yamad na Kumisanger viles long Siroi sab-jon.

WHITE TUNA FLAKES

DIANA White

WHITE TUNA insait K 2.20

DIANA Barbecue Flavour

Tasty and Flavourful White Tuna for Everyone!

Manufactured by: RD Tuna Canners Ltd.



Ol lida meri i amamas long namba wan taim tru ol i kisim ki bilong PMV trak.



Moto bot bilong ol mama grup kisim ol pasindia long Bugati nambis.



PMV trak bilong ol mama grup em WIM i givim ol.

Ol Tiger daunim Warrior na go insait long NRL Fainel

OL West Tiger i gat sans yet long go insat long fainel bi-long Nesenel Ragbi Lig bi-hain long ol i daunim ol Warrior,36-24, long resis i kamap long Mt Smart Stadium.

Ol Warrior i bin stap pas long namba wan hap bilong resis, 18-20, tasol ful bek bi-long ol Tiger, Jordan Rankin, i bungim skoa, 18-18, bihain long em i kikim konvesen kik long trai bilong Josh Addo-Carr long sait lain long namba 56 minit bilong resis taim.

Ol Nu Silan sapota i ting olsem ol Warrior bai win taim ol i stap pas gen, 24-18, long taim las 10 minit i stap yet, tasol Sauaso Sue i ran isi i go aninit long gol pos na putim wanpela trai long namba 71 minit bilong resis taim na bungim skoa



Mitchell Moses long han kais i skoim trai bilong ol West Tiger.

bilong ol Warrior.

Long namba 76 minit bilong resis, faiv-eit bilong ol Tiger, Mitchell Moses, i ran strong na brukim banis bilong ol Warrior na putim wanpela trai we ol Tiger i stap pas.

Long las minit, Manu Vatuvei, i kikim bal strong na i kam bauns long graun

we poro pilaia bilong em, Kevin Naiqama, i kisim bal na putim trai.

Nau, ol Tiger i stap long 26 resis poin na ol bai resis wantaim ol Gold Coast Titans i stap wantaim 27 resis poin. Resis bai kamap long Townsville long dispela wik Sarere.

Referi i stap aninit long maikroskop

REFERI i go insait long namel hap bilong i no gutpela as tingting long taim ol i resis long las wik Sande.

Bihain long belo i krai long taim bilong malolo, ol Warrior i putim bal stret long han we ol i no tingting long putim bal long graun, tasol Solomone Kata i daiv long lep sait bilong pilai graun.

Ol i bin awodim trai long pilai graun, tasol referi i painimaut olsem wanpela asua i kamap long rait sait we Tuimoala Lolohea i ran baksait long wanpela tim poro bilong em na referi i tok ol i pasim rot bilong fulbek bilong ol Tiger, Jordan Rankin, long kisim takol.

Namba tu trai bilong Lolohea em referi i bin tok nogat



Sauaso Sue i putim tupela trai bilong ol Tiger i daunim ol Warrior.

tu bikos ripei i soim olsem em i krugutim sait lain taim em i kisim bal.

Namba tu trai bilong Johnson i kamap long namba 40 minit em referi i bin tok nogat tu bikos skipa

bilong ol Tiger, Aaron Woods i pasim rot bilong Johnson long putim bal long graun.

Ol Warrior bai resis egen-sim ol Eel long Mt Smart long dispela wik Sande.

South Sydney i daunim ol Newcastle

...Knight i lus long 17 stret gem

OL South Sydney i skruim nogut rekot bilong klap Newcastle i go antap long 17 stret lus taim ol Rabbitoh i daunim ol Knight, 34-12, long Hunter Stadium long las wik Sande.

Ol knight i nid long daunim ol Dragon long fainel raun bi-long 2016 NRL sisen bilong skruim win bilong ol long dispela sisen i go antap long tu, we namba wan win em ol i bin daunim ol Tiger, 18-16.

Hap bek bilong ol South Sydney,Adam Reynolds, i soim namba wan kala bilong em gen we em i bin putim 4-pela trai bilong ol Rabbitoh

na namba wan bilong ol, Greg Inglis, i putim namba wan trai long opim skoa.

Jake Mamo bilong ol Knight i putim wanpela stail trai bihain na Jeremy Smith i putim konvesen kik i go insait, tasol ol i leit.

Long wankain resis, ol Knight i tok gut bai long Smit, husat i gat 36 krismas i risain long em i save pilai ragbi. Ol 15, 212 lain i lukim pilai i stap i amamas na singaut taim Smith i pilai las gem bilong em.

Ol South Sydney i bin stap pas long namba wan hap bi-long resis, 16-0, we Inglis,

Alex Johnston na Cody Walker i putim ol trai.

Bihain long malolo, ol skruim skoa bilong ol i go antap, 22-0, we Aaron Gray i ran na brukim banis bilong ol Knight i slek tumas.

Ol Knight i bin putim han mak long skoa bot bihain long 10-pela minit we Dylan Phythian i kisim bal na ran i go insait long putim trai.

Long 56 minit bilong pilai, Johnston i pinisim ran bilong em long skruim skoa i go antap , 34-6, bihain long sampela trai i kamap long namel long ol trai i bin kamap pas.

Murray i misim opisal na abrusim penelti

NAMBA wan tenis pilaia bi-long ol Briten, Andy Murray i soim futbol skil bilong em long taim semi fainel resis i kamap long Cincinnati Masters long Ohio na klostu em i kisim penelti.

Murray i kisim bal taim em i resis long kisim bal egensim pilaia bilong Canada, Milos Raonic, na i kikim i go long hap we ol lain i lukim resis na i stap long en.

Tasol, taim bal i go olsem long ol sapota, dispela kik klostu i pundaun antap long het bilong opisal.

Opisal i lukluk strong long Murray na em i no amamas long dispela na klostu ol i rausim em long pilai.

Lo bilong dispela Tenis resis i save tok olsem, “Ol pilaia i mas no ken kikim tenis bal strong taim ol i stap insait long pilai graun, tasol ol i mas

kik long sampela gutpela poin long taim bilong resis.”

Ol i no rausim Murray na ol Briten i daunim ol Canada, 6-3, 6-3, na go insait long fainel.

Dispela em i namba faiv win bilong Murray egensim Raonic long dispela sisen na strongim bid bilong Murray long go insait long namba wan renk bilong Novak Djokovic.

Scott na Day i pundaun long tupela sot ...Reed i winim PGA Tour resis

WOL namba wan, Jason Day, na bipo sempion bi-long masta, Adam Scott, i no kisim tupela sot na Patrick Reed i winim US PGA Tour resis long Farmingdale, New York.

Day i resis long 2-anda-69 na Scott i painim hat long resis gut long par raun bi-long 71 we tupela i pinisim 7-anda long namba foa ples.

Reed, husat i statim fainel raun wan bihain long Rickie Fowler, i inap long putim olgeta raun bilong 70 long pinis long 9-anda.

Reed i winim namba faiv US Tour na namba wan inap long Jenueri 2015.



Jason Day na Adam Scott i no kisim tupela sot na i kamap namba foa bihain long US PGA Tour resis.

Rosberg i winim F1 Gren Pri resis



Mark Webber i helpim Daniel Ricciardo long amamas long em i kamap namba tu ples long resis.

NICO Rosberg bilong Jemani i stiaim gut long wanpela nogut hap long ples bilong kar resis na i winim Belgian Gren Pri long Sande.

Tim poro bilong em, Lewis Hamilton, husat i wol sempionsip lida, i pinis namba tri bihain long Daniel Ricciardo bilong Australia.

Rosberg i go pas long resis na ol i no abrusim em bihain long tupela draiva i bam long namba wan kona long hap bilong resis.

Ricciardi i stat long namba faiv na i kamap namba tu taim em i abrusim pinis lain insait long 14.1 seken bihain long Rosberg.



Fauna sevei soim Ramu Riva envairomen em orait



Ramu NiCo Envairomen opisa Alex Kambual rausim pis long net.

WANPELA sevei o wok-painimaut long bus, graun na wara long Ramu Riva eria long Usino-Bundi distrik i soim olsem ol pis, kindam na ol enimal long wara i stap orait na no gat bagarap i kamap long ol.

Envairomen i stap orait maski olsem Ramu NiCo Menesmen (MCC) i wok long karimaut wok maining antap long maunten long Kurumbukari long Madang provins.

Dispela bai-anuel sevei o wok painimaut long Ramu riva eria em ol wokman bilong Ramu NiCo Helt, Sefti na Envairomen dipatmen i bin kamapim long las tupela wik i go pinis. Ol ripot bilong dispela sevei em ol bai givim i go long Konsevesen na Envairomen Proteksen Atoriti (CEPA) na ol stekholda long banisim ol birua na bagarap long kamap long bikpela wara na ol liklik han-wara bilong Ramu riva.

Dispela fauna sevei em i stap insait long envairomen pemit na operesen envairomen menesmen plen (OEMP)

em gavman aninit long CEPA i putim wok mak we Ramu NiCo i mas bihainim oltaim na givim ripot i go bek long gavman.

Ol Ramu NiCo Projek Envairomen tim i bin karimaut dispela fauna sevei tupela wik i go pinis long painimaut na sekim kwaliti bilong wara, graun arere long wara antap na daunbilo long we Ramu riva i ran. Dispela sevei i glasim tu wanem kain ol metal i stap long wara na sapos i stap long ol pis na ol arapela enimal long Ramu riva.

Dispela fauna sevei i bin stat long Ogas 8 na pinis long Ogas 19 na i lukim foapela Ramu NiCo HSE Dipatmen wokman long envairomen seksen i wok bihainim Ramu riva na karimaut dispela sevei.

Ol wok painimaut o sevei long ol liklik han-wara na ol wara i bin kamap long sekim kwaliti bilong wara. Dispela i save kamap long luksave olsem ol liklik wara mas no ken go bagarap wantaim ol pipia na wok i kam olsem.

Insait long wok painimaut, ol HSE envairomen opisa i painimaut olsem laip bilong ol pis na ol enimal, ol bus, graun na wara na ol arapela samting i stap orait na no gat bikpela senis i kamap long laip bilong ol.

Dispela preliminaripot i soim na tokaut olsem maski olsem i gat wok bilong maining i stap antap long maunten long Kurumbukari, laip bilong ol pis na enimal long Ramu riva i no bungim bikpela hevi tumas. Ol pipel i go het yet long kisim pis long wara na kaikai na tu ol manmeri i wok long pulim pis na salim na kisim mani long sapotim laipstail bilong ol arere long Ramu riva.


Ol sempo o samting we ol envairomen wok lain bilong Ramu NiCo i kisim long taim bilong dispela sevei em bai ol i salim i go daun long Australia Leboratori Sevises (ALS) we moa stadi o wok painimaut bai kamap long sekim sapos i gat metal long ol graun na tu long ol marasin sapos ol i stap insait long wara.



Tupela Envairomen opisa Steve Opor na Elizah Kamane i lukim fis ol i holim long Ramu riva.



Kisim tisiu o mit bilong fis long sekim sapos em i gat metal o arapela samting long en.



Ovinou i lukluk long skulim ol yangpela

JUDO Olimpik pilaia bilong Papua Niugini, Raymond Ovinou, i lukluk long skulim ol yangpela pilaia bilong go resis long 2020 Tokyo Olimpik resis bai kamap long Japan.

Ovinou i bin go long namba tu Olimpik resis bilong em long Rio na i kam bek long Jacksons ples balus long las wik Sande. Em i tok, em i lukluk long kamapim ol yangpela etlit long resis long Osenia Sempionsip na 2020 Olimpik resis. Em bai

go pas long trening long givim ol namba wan skul toktok long kamap judo pilaia bilong Papua Niugini long bihain taim.

Em i tok moa olsem, ol bai makim 4-pela namba wan judo pilaia long Osenia Sempionsip long go trening long Yurop bilong mekim wok redi long pait long Olimpik resis i kam.

“Mi lukluk long salim wanpela namba wan paita long resis na kisim ples long go trening long narapela

kantri,” Ovinou i tok.

Tasol, em i no tok olimpik resis i kamap klostu taim em i las resis bilong em, nogat. Ovinou i tok em i lukluk tu long 2020 Tokyo Olimpik resis, sapos ol het kosa i tok orait long em.

Em i tok tenkyu long Papua Niugini long sapotim ol na i tok olsem resis i kamap strong long Rio egen-sim sampela namba wan pilaia long wol i soim olsem ol i rausim em long namba wan pait.



Raymond Ovinou i pait long 2016 Rio Olimpik resis.

Strongim benefit bilong laip bihain long spot

PAPUA Niugini Olimpik Komiti (PNGOC) i toktok long strongim olsem ol etlit bilong PNG husat i bin skul bipo long pilai spot bai pinisim skul bilong ol.

PNGOC i go pas long promotim gutpela bilong laip bihain long spot bilong ol spot man na meri bilong kantri, na i bin kamapim wanpela program long putim ol spot etlit i go insait aninit long patnasip bilong em wantaim Institut bilong Bisnis Stadi (IBS).

Ol i luksave long IBS olsem bikipela lida long redim spes long edukesen, trening na risets, na em i bikipela pren bilong PNGOC aninit long sapot bilong Trukai Fan Ran.

Aninit long dispela patnasip em ol i bin kamapim Etlit Ekselens Program (AEP) bilong ol etlit i ken pinisim skul bilong ol long bihain.

Program i lukluk long givim sans long ol etlit bilong PNG long kisim edukesenel kwalifikesen aninit long ol IBS Diploma na Setifiket kos.

Dispela edukesenel kwalifikesen bai helpim ol long developim ol yet na ol bai

kamap sampela gutpela profesenel man na meri bilong kantri bihain long ol i pinis long spot.

Ol etlit husat i kisim benefit long dispela skolasip sans pinis em gol medal wina bilong 2014 Komonwel Gems, Dika Toua, na susa bilong em, Thelma Toua, husat i winim gol medal tu long 2015 Pasifik Gems.

Ol narapela etlit bilong Papua Niugini i bin go insait long dispela skolasip sans tu em Toua Udia na Lorraine Harry bilong weiltifting na Abel Redenut bilong futbol.

“Skolasip em i bikipela helpim bilong yumi ol etlit na em i givim mipela namba tu sans long soim olsem, sapos mipela i no mekim gut long ol spot mipela i pilai, mipela i ken mekim gut long skul tu,” Redenut i tok.

“Mi tok bikipela tenkyu long PNGOC na IBS long dispela skolasip.”

Olgeta etlit bilong PNG i ken go insait long dispela program na PNGOC i go pas long aplikesen bilong dispela program.

Tkatchenko: De bilong Ragbi Lig i no kamap orait

SPOT Minista bilong Papua Niugini, Justin Tkatchenko, i no laikim pasin we ol opisal bilong Mt. ol Hagen Eagle i bin soim bihain long semi-fainel resis bilong Digicel Kap i bin kamap namel long ol na Agmark Rabaul Guria long las wik Sarere long Sir John Guise pilai graun.

Pait i kamap bihain long pinis bilong resis taim wanpela opisal bilong Eagles i askim sampela askim long disisen bilong referi bipo long tromoi han long em. Dispela i strongim ol sapota bilong Eagles i stap long grensten na ol i sanap na tromoi wara botol na ol sampela samting i go long ol pilaia bilong Gurias bipo long ol sapota long auta sten i go insait long olgeta sait na stat long ranim ol opisal na pilaia bilong Gurias na paitim ol.

Spot Minista, Tkatchenko, i soim bel hevi bilong em na pos long fes buk pes bilong em na i tok olsem dispela em i nogut de bilong Ragbi Lig i kamap.

“Dispela kain eksen bilong ol man long ples i kamap long ol opisal bilong Hagen Eagles na ol sapota i mas stop long dispela kain bikipela level bilong resis,” Minista i tok.

Em i tok moa olsem, “Mipela olgeta i hatwok long putim Ragbi Lig long rot gen bilong kisim Nesenel Spot bilong mipela i go long narapela level na olsem Minista, mi bai no inap long larim dispela kain eksen i kamap long liklik lain husat i bagarapim dispela spot.

“Mi bai kamap wantaim wanpela strongpela disisen long rausim ol opisal husat i kamapim dispela birua pasin long stap long Ragbi Lig gen na ol bai mekim wok painimaut long holim pasim ol husat i paitim referi na ol pilaia.”

Minista i tok moa olsem Hagen Eagles bai no inap rejista na stopim em olgeta long ol i no bihainim na holim strong lo bilong Ragbi Lig.

“Dispela em i no namba wan taim we dispela Klap na tim i kamapim hevi. Mipela bai no inap larim dispela kain pasin,” Minista i tok.

Tkatchenko i tok sori long ol pipel bilong Is Nu Briten, Menesmen bilong Gurias, woklain na ol pilaia bilong ol i bagarapim tingting bilong ol.

“Mi bai wok strong wantaim PNGRFL long putim nupela na strongpela penalti long Ragbi Lig lo bilong dispela kain nogut pasin bai no inap long kamap gen,” em i tok.

Nesenel swimming sempionsip bai kamap long dispela mun

SOT kos bilong 2016 TNT nesenel swimming sempionsip bai kamap long dispela mun Taurama Akwatik Senta long Pot Mosbi.

Dispela iven bai stat long Septemba 30 i go inap Oktoba 2 wantaim 4-pela sesen.

Boroko Amateur Swimming Klap bai go pas long dispela iven wantaim ol eksekutiv bilong PNG Swimming Inc (PNGSI).

Dispela yia iven long kalenda bilong PNGSI bai bungim ol namba wan etlit bilong mipela i stap long kantri na long ol narapela kantri wan moa taim gen long luksave na lukim bikipela resis.

Presiden bilong PNGSI, Elizabeth Wells, i tok, ol i ting olsem ol wan wan etlit bai soim namba wan kala bilong ol long ol 4-pela resis olsem Fristail, Breststrok, Bekstrok na Bataflai, na wan wan Medli iven.

“Taim ol swima bai resis long putim namba wan taim bilong ol yet long kamapim rekot bi-

long PNG, ol bai resis tu long kisim ples long PNG Swim Tim long go long namba 13 FINA Wol Sot Kos Sempionsip bai kamap long Windsor, Canada, long mun Desember 5 i go inap long 11 long dispela yia,” Wells i tok.

Em i tok moa olsem ol swima long Boroko na Lae klap i mekim wok redi gut long resis long taim bilong resis i kamap.

Resis bai redim sans tu bilong ol etlit long swim na winim kwalifai taim long winim wanpela ples long Nesenel BSP Akwatik Ekselens Skwat.

Wells i tok tenkyu long TNT, husat i kamap spona bilong iven stat long yia 2003.

“TNT i save go het na spona long Nesenel Sot Kos Sempionsip long mani na gutpela bel i larim ol eksekutiv bilong PNGSI long redim nesenel resis long ran aninit long ol lo bilong FINA bilong ol etlit bilong mipela long soim ol kala bilong ol long pul,” Wells i tok.



Weiltifta, Thelma Toua, i soim kala bilong em long spot bilong em long weiltifting.

PNG etlit i kam bek long Rio Olimpik

OL etlit bilong Tim PNG husat i bin go long 2016 Rio Olimpik resis i kam bek long Jacksons intenesenel ples balus long las wik.

Boksa, Thadius Katua, na Judoka, Raymond Ovinou, i bin kam wantaim ol kosa na opisal long wankain taim.

Katua i tok tenkyu long ol pipel bilong Papua Niugini na Olimpik Komiti long sapot bilong ol.

Katua i tokim ol nius lain tu olsem em i win long pait egensim Rusia tasol ol i no tok aut long em i win.

“Rusia i bin daunim mi, tasol mi tok stret olsem mi bin winim dispela pait,” Katua i tok.

“Mi kisim inap strong taim ol lain i singaut na sapot, na mi tromoi sampela gutpela han long birua bilong mi.

“Tenkyu long ol lain i stap long baksait na sapotim mi long Rio na mi pilim olsem mi bai mekim PNG amamas long taim i kam.”

Thadius i bin go long ples, Buka, long lukim ol famili bipo long em i go bek long trening long ol resis i kam i go inap long Komonwel Gem.

PAPUA Niugini Barra-
mundis Skwat i bin lusim
Pot Mosbi long Mande
morning long go long Sun-
shine Coast long Kwinslan,
Australia, bilong pilai egen-
sim tripela Australian Stet
Kriket Tim. Ol i bin stat pilai
asde.

Taim Kriket PNG i kamap
bikpela, ol Hebou PNG Bar-
ramundi i bin pilai egensim
Tasmania asde, bai pilai
egensim Westen Australia
long Fraide na salensim ol
Kwinslan long Mande long
wik i kam bilong 50 ova resis
long Maroochydore.

CEO bilong Kriket PNG,
Greg Campbell, i tok dispela
em i namba wan sans bilong
Hebou PNG Barramundi
long pilai egensim sampela
top kriket pilaia long ICC Ful-
Membra Kantri, Australia.

“Dispela em i bikpela tes

pilai bilong ol skwat bilong
mipela long pilai egensim ol
namba wan pilaia bilong
kriket, na tu em i bikpela sans
bilong ol boi bilong mipela
long promotim ol yet olsem
kriket pilaia long painim
bikpela sans moa long bihain
taim,” Campbell i tok.

“Dispela gem em i trening
bilong go resis long Saut
Australian Kriket Asosiesen
(SACA) Premia Lig na Inta-
Kontinental Kap bipo long
Wol Kriket Lig Sempionsip
(WCLC) resis bai kamap long
Oktoba egensim Namibia.

Ol skwat bilong Hebou
PNG Barramundi em, Assad
Vala (Kepten), Vani Wagi
Morea, Kiplin Doriga, Lega
Siaka, Sese Bau, Mahuru
Dai, Dogodo Bau, John Boge
Reva, Norman Vanua, Chad
Soper, Nosiana Pokana,
Jason Kila, Hiri Hiri, Alei Nao.

Barras bai pilai egensim ol Tasmania



Hebou PNG Barramundi pilaia i soim kala bilong em long pilai kriket na i redi long paitim bal.

Digicel Kap bai pinisim gren fainel long SJG

DIGICEL Kap bai go het wan-
taim gren fainel resis namel
long Agmark Rabaul Guria
na tripela taim maina pre-
mia, Snax Lae Tiger, long Sir
John Guise pilai graun long
Pot Mosbi.

Siaman bilong PNGRFL,
Sandis Tsaka, i tok olsem
gren fainel resis bai kamap

bihain long ol i tok sori long
ol lig famili, sponsasip
patna, stekholda na ol poro
tim bilong asua i bin kamap
long taim bilong semi-fainel
long las wik Sarere.

“Mipela i laik givim strong
long ol pipel bilong dispela
kantri na ol spona olsem
mipela bai no inap long

lusim bikpela spot resis i redi
long kamap we em i stat
wantaim Digicel Kap fainel,
na fainel bilong SP Hunter,
Anda 20 wol kap resis bilong
ol meri na Ragbi Lig Wol Kap
resis,” Tsaka i tok.

Em i tok moa olsem fainel
bilong Digicel Kap bai kamap
yet long dispela wiken

olsem ol i makim bikos
fainel bilong SP Hunter tu
bai kamap namba wan taim
long asples bilong ol Hunter
long Nesenel Futbol Ste-
diam.

Wankain taim, foapela pi-
laia bilong Hunter, Henry
Noki, Timothy Lomai, Essau
Siune na Enoch Maki, i

stopim dispela asua i kamap
na tok sori long famili na
sponsasip patna bilong resis.

Noki em i bipo pilaia bilong
Eagle, i no amamas na em i
tok sori long ol Guria na laikim
bipo klap bilong em, Eagle,
long putim ol gutpela rekot
long kamapim ol gutpela pi-
laia olsem ol i bin mekim.

People
connecting
People

NEW City Sales Office
Ground Floor, Pacific MMI Building – Down Town, Port Moresby
Open Weekdays 8:00am–5:00pm



PNG Air

CENTRAL RESERVATIONS

Phone: + 675 7222 2151 | Fax: + 675 325 4867

DIGICEL TOLL FREE NUMBER 16111 | Email: reservations@pngair.com.pg



Stargroth Amean i ran awe long pilaia bilong Falcon.



Sailas Gahuna i mekim bikpela takol long namba wan bilong Falcon, Sam Wright. Gahuna i bin mekim planti gutpela pilai long mekim win bilong Hunters na em kisim man of the match.



Bland Abavu i mekim wanpela strongpela ran bilong em.



Oi sampela pilaia bilong Sunshine Coast Falcon i kisim win bihain long pilai bilong ol.



Henry Noki i lukluk long banis bilong Falcon long brukim.



Namba Seven bilong Hunters, Wartovo Puara i go daun long putim trai bihain long em brukim banis bilong ol SC Falcon.



Tupela twins bilong Sunshine Coast Falcon, Callum Klein husat i pilaim 100 gem bilong em na Rowan Klein.



WHITE TUNA FLAKES
DIANA White



PRODUCED IN PNG
Manufactured by:
RD Tuna Canners Ltd.

WHITE TUNA
insait
K 2.20



Tasty and Flavourful White Tuna for Everyone!

Ol Hunter bai pilai fainel long asples



PAPUA Niugini SP Hunter bai pilai egensim Sunshine Coast Falcon long namba wan nokaut fainel long Nesenel Futbol Stadium long Pot Mosbi long Sande, Septemba 4, 2016.

Resis bai stat long 3.05 klok apinun na dispela em i namba wan nokaut fainel gem we SP Hunter bai hostim long asples inap long ol i bin i go insait long Intrus Supa Kap resis long yia 2014.

Dispela i kamap bihain long ol Hunter i daunim ol Falcon, 34-4, long asples bilong ol, Nesenel Futbol Stadium, long las wik Sande.

Ol Hunter i stap long namba foa ples long lata bihain long ol regula sisen raun i kam mak long las wik na ol Falcon i stap long namba faiv ples.

Kosa bilong ol Hunter, Michael Marum, i bin go long Brisbane, Australia, long Tunde apinun long stap wantaim long Intrus Supa Kap yia awod nait i bin kamap asde na em bai kam bek tude long givim ol apdet bilong injuri, judiseri na gem plen bilong ol Hunter.

Ol narapela nokaut fainel bai kamap long dispela wiken em ol namba tri ples, Townsville Blackhawk, bai pilai egensim

namba sikis ples, East Tiger.

Husat i lus bai go aut long resis bilong dispela sisen na maina premia, Redcliffe Dolphin, na Burleigh Bear bai stap sambai long dispela wiken. Tupela bai pilai long wik i kam long kisim ples long gren fainel resis.

Ol Hunter bai winim dispela namba tu nokaut fainel resis bilong Intrus Supa Kap bikos ol i no bin lus long ol asples resis i bin kamap long Pot Mosbi long dispela sisen. Na tu, ol Hunter i kamapim histori long Intrus Supa Kap resis olsem ol i winim olgeta asples resis we i no save kamap olsem long ol narapela tim bipo.

Sapos ol Hunter na Blackhawk i win, ol Hunter bai go long Townsville long bungim ol long narapela nokaut fainel bikos ol Blackhawk i stap top long lata.

Tasol, sapos ol Blackhawk i lus, ol Hunter i gat rait long hostim narapela nokaut fainel long Pot Mosbi egensim ol East Tiger bikos ol i stap pas long lata.

Siaman bilong PNG Ragbi Futbol Lig, Sandis Tsaka, i amamas na tok tenkyu long kosa bilong Hunter, Michael Marum, na tim long ol kamap wantaim namba risal long dispela sisen na go insait long fainel gen.

LUSIM MI YA: Waren Glare, bilong SP PNG Hunters i ranawe long takol bilong pilaia bilong Sunshine Coast Falcons long pilai bilong long Nesenel Futbol Stadium. Hunters i win 30-4 na mekim nupela Istory long Intrus Super Cup long winim olgeta hom gem bilong ol. Poto Nicky Bernard



Taim yu senisim nepi bilong bebi bilong yu Senisim long Sensi

Good Products, Better Prices, ikam long

Johnstons Pharmacies Ltd

P.O.Box 1066, Boroko, Papua New Guinea.

Tel +675 325 3185 Fax +675 325 0190 Email sales@johnstons.com.pg